


*D. coll. cornei*

3

2731

2746

~~REHM~~ O. g.




ONVPHRII • PANVINII  
VERONENSIS . FRATRIS


EREMITAE . AVGVSTINIANI

DE . LVDIS . SAECVLARIBVS

L I B E R



C V M . P R I V I L E G I I S



V E N E T I I S

In Officina Erasmiana , apud Vincentium Valgrisium

M D L V I I I

Digitized by the Internet Archive  
in 2018 with funding from  
Getty Research Institute

[https://archive.org/details/onvphriipanvinii00panv\\_2](https://archive.org/details/onvphriipanvinii00panv_2)

# ONVPHRIVS . PANVINIUS


VERONENSIS . FRATER . EREMITA

A V G V S T I N I A N V S

A C H I L L I . M A F F E O . H I E R . F . S . S . B A S I L I C A E

P R I N C I P I S . A P O S T O L O R V M . C A N O N I C O

S . P . D



NTER multa quae in vniuersa antiquitate Romana cognitu digna fuisse animaduerti Achilles vir optime, & omnium antiquitatum conquistor ac conseruator diligentissime, non postremum locum tenet ludorum saecularium tractatio, quae & ad temporum rationem digerendam, & ad veterum monumentorum interpretationem quam maxime vtilis est & necessaria; praesertim uero quum in ea multa & recodita antiquitatis Romanae monumenta, ante non admodum cognita, contineantur. Quem laborem tum ob has ipsas caussas suscepi, tum quod eos ludos in tabulis M. Verrij Flacci Capitolinis, quarum restitutionem aggressus sum, exaratos fuisse animaduerterim. Cuius praesidio subleuatus, vniuersam temporum Romanorum rationem accuratissime explicarem, & distinctius alijs aperire possem. Quibus cognitis, omitto quod nobilissimum totius veteris illius reip. arcanum intellegitur, multa quoq; veterum nummorum, inscriptionum, & librorum obscura loca illustrari poterunt, & explicari. Cui demum propter argumenti similitudinem, quae quinquennio ante de Sibyllis, & carminibus Sibyllinis edidi, adiungere curaui, remque totam illam non minus priore obscuriore quantum mea diligentia consequi potui, in lucem produxi. Quod opus quum ad iusti libelli summam perduxerim, id seorsum a commentariis in Fastos consulares concinnaui, eorum qui legent commodo, & huius voluminis decori consulturus, in quo eos omnes auctores digessi, quorum potissimum opera, meos Fastorum libros conscripserim. Quos eandem rationem Fastorum commentariis non adiunxi. Hunc porro librum Achilles vir praestantissimae, vt in tuo potissimum nomine exire in vulgus vellem, quum res ipsa tua cognitione non indigna, tum summa mea in te obseruantia, & tua fratriisque tui uiri optimi, & praestantissimi Bernard. Cardinalis erga me non vulgaria officia, adduxerunt. Qui unus ex his precipue fuit, quibus auctoribus, me ad res Romanas ueteres obseruandas, & ex omnibus antiquorum monumentis colligendas initio dedi. Cui si quid

didici, si quid in hisce studiis profeci, acceptum referto. Fuit enim vir ille magnis in ecclesiam Christi meritis clarus; prudentia, bonitate, & pietate in deum maxime admirabilis; recti atque honesti in primis cultor; proborumque & doctorum hominum amantissimus. Quo quin nemo virtutem magis diligeret; tum nemo fuit qui diligendam eam, & amplectendum esse magis iudicaret. Cuius importuna morte erepti locum & personam tu unus apud omnes doctos viros suscepisti, quem ut genere, ita virtutibus, doctrina, & humanitate refers. Suscipe ergo hoc munus & si perexiguum non leue tamen meae veteris erga te obseruantiae signum, eo animo, quo meipsum pro tua humanitate amplecti soles. Quod pro tua singulari benignitate, & te facturum, & ad multo maiora molienda me ipsum impulsurum, mihi ipsi maxime persuadeo.

Vale Venetiis Kal. Iulis

∞ D L V I I I

ON VPHRII . PANVINII . VERONENSIS  
 FRATRIS . EREMITAE . AVGVSTINIANI  
 DE . LVDIS . SAECVLARIBVS

L I B E R



V D O R V M Saecularium tractationem, ob uarias & inter se dissentientes ueterum scriptorum, qui de ipsis aliquid litterarum monumentis tradidere, sententias, rem inter omnes quae ab antiquis unquam gestae sint, cognitu difficillimam esse, neminem antiquitatum studiosum existimo esse, qui ignoret. Quapropter tum ob eam rem, tum quod etiam in tabulis Capitolinis, eorundem mentionem fieri, ex aliquot fragmentis animaduerti, necesse mihi uisum est, quid de saecularibus ludis a ueteribus traditum sit, paulo latius differere, quandoquidem etiam haec Fastorum consularium pars non minima fuerit, & res ipsae cognitu in primis memorabiles esse uideantur. Quamquam autem a recentioribus carptim multa de ipsis hinc inde scripta sint, & praesertim in miscellaneis ab Angelo Politiano, non tamen satis diligenter omnia collecta fuisse cognoui, & maxime ad eorum cognitionem necessaria. De iisdem igitur accuratius disputandum esse duxi; quod nunc ego antiquorum monumentorum, lapidum & nomismatum, ac ueterum scriptorum auxilio, facere aggrediar. Quae autem de ipsis explicanda proposui, ex Varrone, Horatio, Valerio, Plinio, Floro, Censorino, Sex. Pompeio, Zosimo, & aliis antiquis auctoriis collecta, haec sunt. Ipsorum ludorum origo, quot nominibus appellati fuerint, cur saeculares dicti, quot annorum spatio, quoties, & quo anni tempore instaurari soliti fuerint. Ad haec quo ritu, quibus caerimoniis, quibus locis, & quibus diis celebrati, quando deinceps, & quare apud antiquos fieri desierint. Multa praeterea alia referam, quae rem ipsam maxime exornatura sunt. Quibus deinde, quod idem propemodum esset argumentum, alium librum adiunxi, quem de Sibyllis & carminibus Sibyllinis conscripsi, rem iocundam, utilem, & antiquitatum studiosis cognitu necessariam. In quo quid, & quot Sibyllae, aut carmina Sibyllina fuerint a me accurate explicatum est.

De origine itaque ludorum saecularium ut altius repetam, haec ab antiquis historicis, & praelesterni a Zosimo in secundo historiarum libro sermè traduntur. Tullo Hostilio Romae, & Metello Suffettio Albae imperantibus, quum bellum anceps, & perniciosum inter se se Romani Albanique gererent, & amborum acies iam iam concursuera starent, ad caedemque paratae essent, ecce spectrum quoddam uisu mirabile, derepente apparuit, quidam scilicet monstruosa specie, atraque pelle amictus, alta uoce clamitans, ut ab omnibus exaudiri posset: iubere Ditem patrem, deamque Proserpinam, priusquam manus consererer inter se ambae acies, sub terra sacrum sibi fieri; hisque dictis monstrum euanuit. Hoc agitur Romani terribili prodigio territi, in urbem mittunt, qui aram sub terra conderent, in eo loco, qui postea campus Martius appellatus est, non longe a fluminis alueo, ubi sacrificio rite ut iussum fuerat peracto, aram ipsam pedum virginis aggere obtexerunt, ut illa omnibus quibuscumque (Romanis ipsis exceptis) incognita esset. Quo etiam daemonum praeftigio factum crediderim, ut bellum id tergeminorum pugna transigereatur, qua Romani incruenta uictoria de Albanis potiti sunt, Orco scilicet, & Persephone inferis diis placatis. De hoc bello Liuuius libro primo; & libro tertio Dionysius mentionem faciūt. Locus autem ille, ubi ara absconsa fuit, Terentum tum appellabatur, quod quum haud procul ab amnis ripa eset, & quidem mollius se flectente Tiberi, amnum more, eo loco ripam mollem terreret, ex quo etiam Rumen dictus Tiberis a ueteribus, & in sacrī Seres nominatus, quod ruminaret, hoc est exauderet, & secaret ripas: unde ait Virgiliius

Stringentem ripas, & pinguia culta secantem

Alii vero Terentum tum dici coepit existimant locum illum, quod ara Ditis patris eo loco sub terra occuleretur, ut auctor est Sex. Pompeius. De Terento meminit Statius siluarum libro primo, & quarto. Haec autem ara cum diu latuisset, eiusque memoria longa temporum intercedente, etiam apud Romanos ipsis iam obsoluisset, miro quodam modo postea deorum iussu, siue daemonum ludificationibus, sic reperta est

Quum ingenti pestilentia , sub rege Ser. Tullio vrbs antiqua, agrique vastarentur, Volusus Valelius (ut tuum dicebatur) a quo Valeria familia originem habuit, vir locuples, & ut illo tempore erant optimi quique, rusticanae vitae, in Sabinorumque gente paeclarus, Romae quoque ob dignitatem notus, aram hanc de qua supra dixi, ita diuinitus inuenit. Erat ei nemus ante domum, maximis arboribus constitutum, quibus fulmine iecis, quum statim conflagrassent, Volusus ipse dubitare, tristarique, & quo haec monstra, prodigiaque tenderent animaduertere. At non multo post pestilentiae morbo, quae tum maxime in omnes desaeuiebat, filii duo, filiaque correpti ad desperationem usque medicorum laborabant. Pater accitis haruspicibus, rem omnem aperit, eosq; de filiorum salute consuluit, quibus experientia multa edocetis, & ex ignis casu coniicientibus, iram hanc esse deorum exponunt, deosque sacrificiis placare Volusum iubent. Volusus autem quum multitudine sacrificiorum nil proficeret, & in maximo metu cum uxore esset, filiique iam iam moribundi starent, aquam calidam a foco iis petens, genibus innixus, Vestam ceterosque lares familiares orauit, ut puerorum periculum in ipsius, matrisq; suae capita transferrent. Quibus dictis, quum ad nemus fulmine iustum respexisset, vox è nemo humana augustior audita est, habiturum eos saluos promittens; si continuo flumine Tiberi deuetos, Terentum portaslet, ibique iuxta Ditis patris, & Proserpinæ aram, ex eorum foco calefactam de fluvio ipso biberent aquam, quam illi desiderarent. Vbi hacc Volusus audiuit Tarentum pro Terentum intelligens, filiorum salutem magis desperauit, quum quod longa, & perieulosa nauigatio imperabatur (longissime enim Tarentum abesse, Lin extrema Iapygia sciebat) tum quod proxime eam vrbem, minime reperiri Tiberi nullum fluyium non ignorabat; malam praeterea ei spem afferebat aqua, quam in aris terrestrium daemonum calefieri audierat. Super haec quoque quum haruspices consuluisset, diis esse parendum statim responderunt. Quare spe licet dubia prae sente in metum uincente, pueros ad Tiberis ripam protinus detulit; habitabat enim in uilla sua quae sita erat propè uicum Sabinae regionis, nomine Heretum, duodecimo ab urbe lapide. Eis autem lintre impositis, Ostiam secundo flumine contendens, nocte intempesta, ad Martii campi regionem prope Romam appulit, ibi recreare sidentes, & aestu, febrique laborantes succurere cupiens, simulque ut nauigationis taedium leuaret, qua placidissime amnis labitur exponit in siccum aegrotos; ac dum tumultuarium sibi tugurium concinnit, extincto igniculo, admonetur a gubernatore; quem unde ignis peti posset consuluerat, lintrem potius ad Terentum deducendam (nam ita locus appellabatur, qui haud longe aberat) ibique commorandum, etenim pastoricium fumum illic, se se aspicere dixit. Tum Volusus laetior factus, auditio Terenti nomine, quem in extrema Italia esse crediderat, deorum numina adorans & salutem liberorum iam iam propemodum certo sibi spondens, illuc nauem adpellit iubet, ex stimans de illo loco se esse diuina uoce admonitum. Quo quum peruenisset omnia pastoribus nuntiavit. Statimque arrepto calice aquam flumine proximo haustam, eo unde fumus erat obortus, cupide iam laetior protulit, diuinitusque dati remedii, quasi uestigia quaedam in propinquo, se existimans naustum, in soloque magis fumante, quam ulla ignis habente reliquias, omne adprehenso, contractis leuibus, & quae sors obtulerat ignis nutrimentis, fumigans solū, pertinaci flatu solicitat inflammam, calefactamque aquam, pueris bibendam calice porrigit; qua epota, succedit somnus salutaris, in quo diutina morbi ui liberati, recuperata ualetudine surgunt; patrique renuntiant, uidisse se se per quietem, spongia a nescio quo deorum corpora sua attingi, morbumque detergeri, praeccipue ut ad Ditis patris, & Proserpinæ aram, ex qua ipsorum potio calida facta fuerat, furuae mactarentur hostiae, lectisterniaq; fierent, & ludi nocturni, perpetuis choris, carminibusque trinoctio celebrarentur. Valelius autem tanquam aliquius deorum, qui haec facere iussisset, auctoritate permotus, eoque loci nullam aram uidens, desiderari ratus, ut a se extrueretur, aram empturus, festinus in urbem properat, seruis relictis, qui fundamentorum iaciendorū gratia, terram altè ad solidum foderent, ubi conlocaretur. Servi domini imperium exequentes, quum ad uiginti pedum altitudinem humo ruderibusque eggestis fodiendo peruenissent, aram quam dixi Ditis patris Proserpinæque inuenierunt. Hoc ubi Volusus nuntiante seruo cognouisset, omisso emendaе proposito, quum quid sibi agendum, aperi- tius edocetis esset, hostias nigras (quae tum furuae dicebantur) ut iussus fuerat super ipsam aram mactauit, ludosque & lectisternia, cum cantibus, ch oreis carminibusque continuo trinoctio, quia totidem filii periculo liberati erant, fecit; liberis iam morbo solutis, mediaque de morte receptis. Haec autem omnia cū ipse regi Romano renuntiasset, eius iusu publicis populi Romani commentariis a II. viris faciendornm diligentissime scripta fuerunt, locusq; ipse in capo qui postea Martius est dictus, ara super terram posita notatus est, ne in posterum propter longa temporis interualla, ut iam factum fuerat Romani eius obliuiscerentur. Porro autem hūc Volusum Valesum, existimo fuisse Poplicolae, & M. Valerii patrem; qui deinde Volusus Valelius

Iesius Terentinus appellatus est, a sacrificio Diti patri Terenti facto. Qui quum tertium filium postea genuisset, eū in deorum Manium, qui de eo benemeriti fuerant, honorem, Manium Valerium appellauit; siquidem Romani inferos deos manes nuncupabant. Huic rei non modicam fidem addit, quod ipsum Volusum Valesum, filios uero Publum Marcum & Manium uocatos fuisse, antiqua monumenta declarant. Quum hoc praesertim Manii praenomen, nusquam anti quius quam in hoc Valerio reperiatur, ipsumque a diis manibus dictum referat Valerius libro decimo. Ex tribus quoque fratribus Manius natu minor fuit. Rei quoque gestae tempus mirifice quadrat. Hoc igitur modo ludorum, qui postea saeculares dicti sunt arae Terentinae Diti, Proserpinæq; consecratae, & horum sacrorum ritus, originem fuisse, Valerius Maximus libro primo, Zosimus libro secundo, & alii ueteres auctores tradidere

De primis autem ludis saecularibus, ueteres inter se dissentient auctores. Siquidem Valerius Maximus, & Zosimus, eos non longe post Volusi Yalesii casum a P. Valerio Poplicola primo eos factos fuisse affirmant, atque de eis in hunc fermè modum haec tradunt.

Quum vrbs ipsa denuo graui pestilentia uexaretur. P. Valerius eiusdem Volusi Terentini filius Poplicola, qui primo post reges exactos anno consul fuit; studio succurrendi cibiis, patris exemplum sequutus, in Terento apud eandem ipsam (quam dixi) aram publicè nuncupatis uotis, atros seu furores boues pro maribus Diti patri; pro foeminis uero concolores iuuencias Proserpinæ mactauit, lestisternioque, ac ludis trinoctio factis, aram terra ut ante fuerat exagerata, occuluit, titulo ita addito

Idem scribut Censorinus, & Plutarchus. Quāquā Censorinus hoc factū ab eo esse in primo cōsula tu tradit, Plutarchus autē in quarto. Sic enim ait Censorinus: Primos ludos saeculares exactis regibus traditum est post Romanam conditam anno CCXLV. a Valerio Poplicola institutos esse. Plutarchus autem in quarto consulatu Poplico Iae describendo ita ait: quum morbus ciuitatem grauissimus inuasisset, ita ut foetus perfectus nullus a mulieribus ederetur, hic ex libris Sibyllinis & Ditem placauit, & ludis quibusdam qui oraculo traditi erāt reuocatis, depulso morbo, ciuitatem in spem meliorem adduxit.

Hos itaque primos ludos, ex his qui postea saeculares dicti sunt, fuisse, Valerius Antias, Valerius Maximus, Censorinus, & Zosimus auctores sunt, Volusi Terentini exemplo factos, a quibus horum ludorum origo manauit. De his autem ludis trinoctio celebrari solitis, Ausonius in ternario numero ait:

Trina Terentino celebrata trinoctia ludo

& Martialis. Et quae Romuleus sacra Terentus habet

Statius quoque Siluarum IIII. Quippe manet & cet

M. autem Varro libro primo de scaenicis originibus, aliter de primis ludis saecularibus loqui uidetur, ad hunc enim modum, eorum (ut arbitror) originem fuisse tradidit. Quum (inquit) multa portenta fierent, & murus, & turres, quae sunt inter portam Collinam, & Esquilinam, de coelo essent tacta, & ideo libros Sibyllinos x. uiri adiissent, renuntiauerunt, uti Diti patri, & Proserpine, ludi Terentini in campo Martio fierent, tribus noctibus, & hostiae furuae immolarentur, utiq; ludi centesimo quoque anno fierent. Sed haec potius de aliqua eorum instaurazione, quam de origine dicta fuisse existimo, ut paulo post differam

Primos uero ludos saeculares, multis annis post reges exactos. Poplicolaque mortem factus fuisse, xv. uirorum commentarij, ut est apud Censorinum prodidere. Quod de re tam antiqua nemo mirari debet, quum de recentioribus quoque ludis maxima inter ueteres sit auctores controversia, de secundis enim, tertis, quartisque ludis saecularibus, diuersimode antiqui scriptores tradidere, aliique alio tempore eos factos esse affirmarunt, & non parum inter se dissentunt, quae omnia infra latius a me explicabuntur. Ego autem in tanta ueterum quidem, & probatissimi morum scriptorum uarietate, quid sentiam, non facile proferrem, nisi xv. uirorum auctoritas ualde me moueret, tum quod penes eorum collegium, omnis publicorum, priuatorumque sacrorum cura, præcipueque horum ludorum restaurandorum ratio fuere, ut auctor est Cornelius Tacitus libro undecimo, tum quod eorum ordinem sequutum quoque fuisse animaduerti M. Verrius Flaccum Fastorum Capitolinorum auctorem. Sique quod Horatius in carmine saeculari, & libro secundo historiarum Zosimus, multique alii ueteres scriptores memoriae prodidere

## P. V A L E S I V S

### V O L V S I . F

### P O P L I C O L A

I G N I F E R V M . C A M P V M  
D I T I . P A T R I . A E T E R  
N A I . Q . P R O S E R P I N A I  
C O N S E C R A V E I . L V D O S  
Q . E I S D E M . D I E I S  
P O P V L I . R O M A N I  
S A L V T I S . E R G O . F E C E I

didere uerum est, eos centesimo quoque & decimo anno exacto restaurari solitos, nō possumus XV. virorum temporum rationi repugnare, ut infra demonstrabo. Quorum auctoritati, etiam sine horum scriptorum testimonio, in hac re non aquiescere nefas esse existimarem, quū ipsi illi fuerint, qui & ludos ipsos peregerint, & peractos publicis commentariis memoriae tradiderint. Ipsorum igitur, ceteris auctoribus quibusque omissis, in horum ludorum celebratione, temporum rationem sequar, simulque pro mea uirili efficere studebo, ut omnis ambiguas inter eos, & ceteros scriptores exorta, tollatur.

Ludos igitur, qui primi uere saeculares dici debent, si posteriorum temporum ratio habeatur, ex XV. uirorum commentariis facti sunt anno post Romam conditam CCXCVII. ex Capitolino rum Fastorum numerandi ratione, quam usque ad Augusti tempora sequar, M. Valerio M.F. Maximo, & Sp. Virginio. A.F. Coelimontano Tricosto cos. Hoc autem elicetur primo ex Censorini libello, quem de die natali scriptum reliquit, capite tertiodecimo. Qui locus licet omnium mendosissimus sit; tamen iis consulibus, ex eorundem sententia, primos ludos saeculares debere adscribi clare annorum vrbis conditae, & ludorum saecularium tempus ex XV. uirorum ratione consideranti, manifestum erit. Ludos enim ipsos saeculares a primis ad quintos, centesimo quoque, & decimo anno exacto restaurari solitos, perpetuo temporum ordine, scripsierunt. Quod ita esse ex consulatu collegijs, qui singulis annis creabantur, & sequentibus ludis clare colligi poterit. Primos enim anno Vrbis CCXCVII. Secundos anno CDVII. Tertios anno DXVII. Quartos vero anno DCXXVII. & sic deinceps actos suisse notant.

Quod uero Valerius Maximus, Plutarchus, Zosimus, & alii dicunt, eos institutos, actosq; suis se a Valerio Poplicola primo consule, ita forte dici posset (nisi uolumus eorum de hac re sententiam reiicere) P. Valerium Poplicolam ipsos quidem, quum a patre Terentino doctus esset, qui (ut dixi) primo eos ediderat; in pestilentiae, ceterorumque morborum remedium instituisse, publicisque commentariis eorum ritus, caerimoniasque tradidisse, docuisseque quotiescumque opus esset eos debere fieri, uerum quum tunc opus non esset, ipsos ab eo nequaquam celebratos esse. Postea tamen, M. Valerio, & Sp. Virginio cos. quum pestilentia urbem inuasisset, ab his primo celebrari coepitos.

Posset quoque alio modo haec contradic̄tio tolli, si Valerium Maximum, Zosimumque, & ceteros, qui primos ludos saeculares editos referunt a Poplicola primo cos. ex gente Valeria, deceptos nominis similitudine dicemus. Quum eos forte primus instituerit eius filius, qui etiam P. Valerius Poplicola appellatus est, qui cos. fuit triennio ante M. Valerium, & Sp. Virginium, cum C. Claudio Regillense, quibus primos editos XV. uirorum commentarii tradunt, praesertim quum circa ea tempora Liuio & Dionysio auctoribus, ingens in urbe suisset pestilentia, si quidem circa primi Poplicolae tempora aliquam Romae pestem suisset neque Liuius, neq; Dionysius referunt; eosque postea a M. Valerio, & Sp. Virginio cos. editos suisse.

Potest demum, & uero (ut credo) ratione, haec discrepantia ita dirimi. Ipsos quidem ludos trinoctiales, atque omnia sacrificia saepius ad Terentum facta suisse; quotiescumque scilicet aliqua publica calamitas urbem inuasisset. Siquidem eos ludos pro salute populi Romani ad placandam deorum irā, ad seditionum, pestilentiae, ceterorumque morborum remedium, celebrari auctores fuit Horatius, & Zosimus, & ad alia quaedam, quae omnia paulo post ex Horatii carmine saeculari explicabo; & hac ratione dici poterit eos. a Valerio Poplicola institutos primūque factos suisse, & a ceteris quoq; consulibus, qui ab aliis auctoribus digerūtur, quorum tamen in XV. uirorum commentariis mentio non est; quoties opus erat eos celebratos, sed nec tunc, nec postea saeculares, sed alioquodam nomine appellatos: quod innuere uidetur M. Varro libro primo de scaenicis originibus, qui ita scriptū reliquit. Quū quaedam de caelo tacta essent, & ideo libros Sibyllinos XV. uiri adiissent, renuntiauerunt, uti Diti patri, & Proserpinae ludi Terentini in capo Martio fierent tribus diebus, & tribus noctibus, & hostiae furuae immolarentur &c. ubi & illud ostēdere uidetur, eos fieri solitos nō suisse, siue adhuc eorū tēpus statū nō esse, quū deorū iussu celebrari coepi sint. Porrò autem illos ludos qui eodem, similique ritu, nō quoties opus esset, sed statu quoddam tempore; centesimo quoque, & decimo anno exacto, quamquam nulla in urbe pestis, aut alia uis morbi esset, quae hoc ipsum sacrum requereret, sed tantum ut is ordo seruaretur, saeculares postea appellatos suisse existimandum, eosque esse qui a XV. uiris adeo diligenter centesimo quoque & decimo anno notati sunt, non quidem ad repellendam pestilentiam praesentem, facti, sed ad morem maiorum, hominumque salutem, & cetera bona populi Romani conseruanda. Quod disertis uerbis explicare uidetur Acro Horatianus interpres in carmine saeculari, vbi inquit: Saecularis carminis duplex deuotio esse consueuerat, aut enim pro sedanda, aut pro uitanda pestilentia, aut pro certo, & constituto numero annorum, centesimo uidelicet, & decimo anno, in Capitolio, a pueris & puellis impuberibus cantabantur. Erat autem

autem hi ludi tanquam lustrum quoddam, & expiamentum, quo antiqui urbem Romanam omnibus praeteritis noxis purgari, renouari, atque instaurari existimabant, melioremque uiuendi rationem in posterum precabantur, quod etiam aperte in carmine, quod ludis saecularibus cantabatur, explicat Horatius, quum inquit

Phoebe, siluarumque potens Diana

Lucidum caeli decus, o colendi

Semper & culti, date quae precamur.

Tempore sacro

Quo Sibyllini monuere uersus, &cet

Eranque apud ueteres, perinde ac est apud nos annus Iobilei, qui XXV. quoque anno redeunte celebratur, in quo omnium delictorum ueniam concedi liquet, quod & pontificum maximorum diplomata testantur. Nam quum primum a pontifice maximo Bonifacio VIII. institutus fuit, decretum est, ut centesimo queque anno exacto celebraretur, postea ad quinquaginta primū, deinde XXV. annorum interuallum redactus est. Et quamuis is annus Iobilei XXV. quoq; anno obseruetur, nihilominus etiam a pontificibus Romanis, more ueterum, alii quoque Iobilei concedi solent, & quidem ut opus est amplissimi, maiore nihilominus tempore statu redeunte. Porro autem hos ludos, qui ad Terentum centesimo quoque & decimo anno (si XV. uirorum commentariis credimus) facti, solemnes statique permanerunt, postea saeculares appellatos existimo, ut ab his ludis distinguerentur, qui quāquam ad Terentū prope Ditis patris, Proserpinæq; arā quotiescūq; opus esset fierent, saeculares tamen appellati nō sunt. Illud autem scitu dignum est, primos, secundos, tertios, & forte quartos ludos, quos saeculares XV. uirorum commentarii, tempore Caesaris Augusti scripti, appellant, antiquitus nequaquam saeculares dictos; non enim ita facile hoc nomen apud uetusissimos scriptores usurpatum inueniri posse credo: nec etiam uerisimile est, quum adhuc saecula per ludos ipsos Romanis constituta non fuerint, eos saeculares appellatos. Ipsos autem uel Terentinos ut auctor est. M. Varro, a loco ubi edebantur, qui Terentus uocabatur; uel Ditis patris, aut Proserpinæ ludos, seu alio quoddam nomine uocatos existimo, nobis incognito. Postea autem recentioribus temporibus saeculares dicti sunt, uel (ut dixi) ut ab aliis ludis Terentinis distingui possent, uel etiam quod plerunque semel tantum hominis aetate fierent, ut multa alia, quae quum rara sint, post saeculum uenire loquentium consuetudo usurpat, quod affirmare uidetur. Ouidius libro secundo de Tristibus, quum ait

Iusserrat & Phoebo dici; quo tempore ludos

Fecit, quos aetas aspicit una semel

Alij eos ideo saeculares dictos existimant, quoniam semel tantum singulis saeculis fierent. Quod ut clarius intelligi possit, non alienum ab hoc instituto erit, quid saeculum apud ueteres fuerit exponere. Est igitur saeculum (ut auctor est Censorinus in libro de die natali) spatium uitæ humanæ longissimum, natali, & morte definitum, a sene dictum. Quod, ut est apud eundem capite VI. de saeculo, multi uario annorum numero descripserunt. Quidam enim triginta annorum spatium, saeculum dici putant, quos multum errasse coarguit Heraclitus, qui id tempus genaeam, uel aetatem, non saeculum uocari scribit. Alii centum annis saeculum terminauere. Berosus Chaldeus Beli in Babilone sacerdos CVI. annis finiri saeculum scribit. Alii CX. ut apud Romanos XV. uiri sacris faciendis. Epigenes saeculum CXII. annos complecti refert. Quidam CXX. Herodotus, & Anacreo poeta CL. apud quos legimus Arganthonium Tartessorum regem CL. annos uixisse. Alii CLVII. ut Theopompus, qui tot annos Epimenidi Gnoium uixisse refert. Hellanicus annis CC. saeculum constituit. Cuius sententiam sequutus est Damiates, qui memorat Pictorem ex Aetolis Epiorum gente corpore uiribusque integris CC. annos uixisse. Ephorus autem CCC. qui tradit Arcadas dicere apud se reges antiquos aliquos ad CCC. uixisse annos. Alxexander, & Cornelius quingentos, qui Dandonem quendam in Illyrico tot uixisse scribunt. Xenopho. DCCC. Qui tot uixisse refert Imperium Latinorum regem. Quidam mille annis saeculum terminauere. Fuere quidam qui nō idem putarent ubique obseruandum, sed uarie per diuersas regiones, prout in singulis sit ad caeli circulum finitiorem inclinatio, quod uocatur clima, saecula constituenda. Romanorum autem saecula, quae quidam ludis saecularibus distingui putant, centum & decem annorum esse XV. uirorum commentarii prodidere. Aliis autem uidentur esse incerta, temporum enim interualla (ut ait Censorinus) quibus hi ludi facti fuere, propter uarias scriptorum opiniones, in ambiguo esse uidentur. Si quidem Valerius Antias, M. Varro, T. Liuius, Sex. Pompeius, Zosimus, D. Augustinus, & plerique alii ueteres scriptores, eos ita institutos esse, ut centesimo quoque anno fierent, prodidere. Nam ita (inquit Censorinus) institutum esse, ut centesimo quoque

quoq; anno fierent, tum Antias, tum alii historici auctores sunt. Et M. Varro libro primo de scatnicis originibus ita scribit: Quum multa portenta fierent, & murus, & turres quae sunt inter portam Collinam, & Esquilinam de caelo essent tacta, & ideo libros Sibyllinos X. uiri adiissent, renuntiauerunt uti Diti patri, & Proserpinae ludi Terentini in campo Martio fierent, tribus noctibus, & hostiae furuae immolarentur, utiq; ludi centesimo quoq; anno fierent. Idem Luius libro ab urbe condita CXXXVI. Eodem anno (inquit) ludos saeculares Caesar ingenti apparatu fecit, quos centesimo quoque anno (is enim terminus saeculi) fieri mos est. Sex. quoque Pompeius libro XVII. ait: Saeculares ludi apud Romanos, post centum annos siebant, quia saeculum centum annos extendi existimabant. Idem etiam refert Zosimus libro historiarum secundo. Et diuis Aurelius Augustinus libro tertio de ciuitate Dei, capite XVIII. Instaurati sunt (inquit) ex auctoritatibus Sibyllinorum ludi saeculares, quorum celebritas inter centum annos fuerat instituta, felicioribusq; temporibus memoria negligente perierat. Huc etiam spectare uidetur id quod apud Herodianum legimus lib. IIII. qui eos trium spatio aetatum solitos instaurari scribit, ceteris videlicet quoq; anno: aetatem enim hominis XXXIII. annos, ac menses IIII. esse, libro secundo docet Herodotus: collocando igitur in singula saecula ternas hominum aetates, id ab Herodiano recte dictum erit. XV. uirales uero commentarii, Augusti edicta, Horatius in carmine saeculari, & carmina Sibyllina, non centesimo quoque ut superiores, sed centesimo & decimo anno exacto eos referri solitos, memoriae prodiderunt. Horatius enim in carmine saeculari ita ait

Certus vndenos decies per annos

Orbis ut cantus, referatque ludos

Ter die claro, totiesque grata

Nocte frequentes

Idem quoque XV. uirorum (ut dixi) libri, Caesaris Augusti edicta, ut est apud Censorinum; & Acro interpres Horatii restantur. Saecularis (inquit Acro) carminis, duplex deuotio esse consueverat, aut enim pro sedanda, aut uitanda pestilentia, aut pro certo, & constituto numero annorum, centesimo enim, & decinio anno in Capitolio a pueris & puellis puberibus cantabantur. Idem denique carmen Graecum, quod ipsius Sibylle oraculum esse Zosimus libro secundo prodidit, his versibus refert.

Alt ubi iam humanae longissima tempora uitaē

Orbis agens annos, referet centumque decemque

Sis Romane memor, licet alta obliuia tentent. &c.

Ego itaque, quum ita uarium, & inconstans fuerit saeculi, ludorumq; saecularium interuallum, Augusti potius edicta, Horatii, Acronis, Sibyllae, & postremo XV. uirum libros, quos identem auctores Censorinus citat, in quibus summani animaduerti annorum constantiam, quam historicos alios ullus audire malui. De re enim pontificia libentius pontificales libros, quam alium quemquam sequi aequum uisum est. Quare ex eorundem sententia ludos saeculares in meis Fastis centesimo quoque & decimo anno finito digesti. Atque haecenus de saeculo & primis ludis saecularibus

Non minor opinionum uarietas est, quo nam anno & quibus consulibus secundi, tertii, & quarti ludi saeculares relati fuerint, quam de primis fuit; quas omnes Censorinus in libro de die natali litteris persequutus est. Nam in XV. uirum libris, eodem auctore, centesimo & decimo anno post primos, secundi digesti sunt, M. Valerio M.F. Coruo, & C. Poetelio C.F. Libone. Vifolo cos. anno uerbis CDVIII. Luius autem qui non centesimo & decimo quoque anno eos relatios existimat, sed centesimo, de primis quidem nihil refert; secundos uero anno CDI. factos esse, illum putasse, inde suspicatus sum, quod Zosimus secundos ludos factos esse M. Popillio. IIII. cos. scribit, anno ab urbe condita CDVI. qui consulatus apud Liuum in annum. CDI. incidit. Zosimus enim libro secundo, Quadragesto sexto post Romam conditam anno M. Popillio IIII. cos. collegae enim M. Valerii Corui nomen intercidit) eos admonitu carminum Sibyllinorum iterum factos fuisse refert. Quum enim res publica bellis, & pestilentia uexaretur, senatus consultum (inquit) factum est, ut X. uiri faciundis libros Sibyllinos consulenter, quibus tot tanta que mala auerti possent, ex quorum responso denuo regesta humo apud hanc ipsam aram in extrema campi Martii parte, iuxta Lucinae lucum, ubi erat Terentum, quum de more sacra Diti patri Proserpinaeque facta, & ludi persoluti essent, eandem aram denuo operuerunt. Ex qua re factum est, ut Romanis iterum a bellis quies, & incolumitas restituerentur. Hos autem fuisse existimo quos D. Augustinus libro de ciuitate dei III. cap. XLIX instauratos scribit

Tertii autem ludi saeculares ex quindecem uirialibus libris, quos M. Verrius Flaccus in Fastis sequurus est, facti sunt centesimo & decimo anno post secundos, P. Cornelio L.F. Lentulo Caudino

dino,& C.Licinio C.F.Varo cos.Anno vrbis DXVIII.quo anno in tabulis Capitolinis in alio la  
pide, e regione eorundem consulum ita (ut dixi) exarati sunt

LVDI . SAE CVLARES . TERT  
M . AIMILIO . M . F  
M . LIVIO.M . F . M.N . SALINATORE  
MAG . X . VIR

Eos uero Antiate Liuioque auctoribus,factos fuisse tradit Censorinus,centesimo anno post secū  
dos (saeculum enim centum annis statuerunt)P.Claudio Pulchro,L.Iunio Pullo cos. anno vrbis  
conditae, si Liuianam summam sequareis DI. si Capitolinam DIII. Quorum ludorum Florus in  
epitoma libri XLIX. ex Liuio sic meminit: Altero & sexcentesimo anno ab urbe condita, L.Mar  
cio,& M.Manilio cos. tertium bellum Punicum coeptum. Diti patri ludi ad Terentum ex prae  
cepto librorum Sibyllinorum facti, qui centesimo anno, primo Punico bello, quingentesimo & altero  
ab urbe cōdita anno facti fuerant. Horum & sequentium ludorum Zosimus mentionem omisit.

De quartorum porro ludorum saecularium anno triplex opinio est, ut tradit Censorinus. Nā  
in XV.virorum commentariis centesimo & decimo anno post tertios relati sunt,Mam. Aimilio  
M.F.Lepido,L.Aurelio L.F.Oreste cos.anno vrbis DCXXVIII. Valerius autem Antias,M.Varro  
& T.Liuius eos editos scribunt ,L.Marcio Censorino,& M.Manilio cos.anno vrbis, si Capitoli  
nos lapides sequamur DCIII. si Liuium uero DCI. centesimo anno post tertios. Ita ut ex Li  
uui sententia satis manifestum sit, ludos saeculares centesimo quoque anno relatios fuisse a secun  
dis ad quartos . Nam si secundi ludi in annum quo M.Popillius cos.fuit, teste Zosimo inciderūt,  
tertii in consulatum P.Claudii, & L.Iunii; quarti in consulatum L.Marcii,& M.Manilii,atque hi  
apud Liui anni sint CDI.DI.& DCI. satis liquet eos centesimo quoq; anno factos ex Liuui sen  
tētia fuisse . De his ludis ex Liuio meminit in epitoma libri XLIX. Florus ita: Diti patri ludi ad  
Terentum ex praecepto librorum Sibyllinorum facti , altero & sexcentesimo anno ab urbe con  
dita . Lautem Piso vir censorius, Cn.Gellius, & C.Cassius Hemina qui illo tempore uiuebant  
post annum tertium factos tradidere,anno urbis cōdite DCVIII.Cn.Cornelio C.F.Lentulo,&  
L.Mummio L.F.Achaico cos. Quam controuersiam ex Acrone interprete Horatiano supra tolli  
posse demonstrauit. Si enim duplex fuit deuotio carminis saecularis, etiam ludorum saeculariū  
fuisse facile existimari potest. Ita ut alii ordinarii essent, qui certo tempore, & constituto refer  
rentur, ut qui centesimo decimo quoque; uel centesimo anno siebant; alii uero qui extra ordi  
nem , pro re nata sedandae, uel vitandae pestilentiae cauſa , ut illi quorum alii scriptores fortas  
se meminerunt. De tertii ac quartis(ut dixi)ludis saecularibus Zosimus nihil tradit . Locus au  
tem Censorini in quo quattuor priores ludi saeculares notati sunt ita corrupte, & mendosissime  
in uulgatis Aldinis codicibus legitur. Primos ludos saeculares exactis regibus cum post Romam  
conditam annis CCLV.a Valerio Publicola institutos esse ad XL.virorum commentarios anno  
CCLXXXIX.M.Valerio Sp.Virginio cos.anno post urbem conditā VIII.&XL.ut uero in cō  
mentariis XII.virorum scriptum est anno CCCX. M.Valerio Coruino, & C.Petilio cos. Ter  
tii ludi fuerunt Antiate Liuioque auctoribus P.Claudio Pulchro L.Iunio Pullo cos.anno quin  
gentesimo duodeuigesimo P.Cornelio Lentulo C.Liuio Varro cos. De quartorum ludorum an  
no triplex opinio est . Antias enim & Varro & Liuius relatios esse prodiderunt L.Marcio Cen  
sorino M.Manilio cos.post Romam conditam anno DCV. At Piso censorius , & Cn. Gellius, &  
Cassius Hemina qui illo tempore uiuebat, post annum factos tertium affirmant Cn. Cornelio  
Lentulo L.Mummio Achaico cos. idest DC.anno III.In XV.virorum autem commentariis no  
tantur sub annis DCXXIX.Aemilio Lepido & L.Aurelio Oreste cos. Quae uerba ego sic resti  
tui: Primos ludos saeculares exactis regibus constat post Romam conditam annis CCXLV.a  
Valerio Poplicola institutos esse . At ex XV.virorum commentariis anno CCXCIII. M. Va  
lerio,Sp.Virginio cos.Secundi facti sunt Antiate & Liuio auctoribus,M.Popillio III.& M.Vale  
rio cos.anno post vrbem conditam VI.& CD. ut uero in commentariis XV.virorum scriptum est  
anno CDVIII. M.Valerio Coruino,C.Poetilio cos.Tertii ludi fuerunt Antiate Liuioque aucto  
ribus,P.Claudio Pulchro,L.Iunio Pullo cos. anno ab V.C. DV. ut in XV.virorum autem com  
mentariis scriptum est,anno D. duodeuicesimo . P.Cornelio Lentulo, C. Licinio Varro cos. De  
quartorum ludorum anno triplex opinio est,Antias enim & Varro,& Liuius relatios esse prodide  
runt L.Marcio Censorino,M.Manilio cos.post Romam conditam anno DCV. At Piso censorius  
& Cn. Gellius,& Cassius Hemina, qui illo tempore uiuebant, post annum factos tertium afir  
mant,Cn.Cornelio Lentulo,L.Mummio Achaico cos. idest DCVIII.anno . In XV.virorum au  
tem commentariis notantur sub annis DCXXIX. Mam. Aimilio Lepido, & L.Aurelio Oreste  
cos. & cet. Haec ita se habere,hinc colligere possumus , quod de singulis ludis diuersae opinio  
nis referuntur,extrema autē semper XV.virorum librorum est. Quum autem primos ex XV.ui  
ralibus

ralibus iibris scriptū sit factos anno CCXCIX. Secūdōs anno CCCC. & X. tertios anno DXIX. quartos DCXXIX. malui seruare constantiam cētesimi & decimi anni, quare ita legi CCXCHIX, CDVIII. DXIIX. & DCXXIIIX. annorum summae Varronis, non tabularum Capitolinarum sequutus, quam Censorinum quoque sequutum fuisse animaduerti. Neque enim M. Valerius & Sp. Virginius anno CCXCIX. inire potuerunt, quin primi consules anno CCXLV. inierint, neque ullae suppurationes sunt, quae illam summam & rationem tueātur. Praeterea in secundis Iudis uidetur uerisimile ex CCCCIIX. mendose factum esse CCCCX. nam de tertiiis non est dubium, diserte enim scripti sunt anno DXIIX. Ergo & in quartis DCXXIIIX. restituendum est. At que etiam si in Fastis Capitolinihi consulatus mira constantia CCXCVII. DCVII. DXVII. & DCXXVII. nominantur, uerisimile uidetur, ut in Censorini summa quae Varronis est, & uno anno Capitolinam antecedat, ea constantia custodiatur. Desiderari nomina auctorum in secundis Iudis Antiatis, & Liui maxime puto, qui concordes in tertiiis, & quartis citantur, itemque nomina consulum quae ex Zosimo suppleui. Atque haec tenus de iis Iudis saecularibus quae ante Augusti tempora celebrati sunt

Quinctos ludos saeculares centesimo & nono anno exacto, ex XV. uirorum annorum summa, postea quam quarti celebrati fuerant, fecerunt Censorino & Dione auctoribus, imp. Caesar Augustus, & M. Vipsanius L.F. Agrippa, anno post urbem conditam si Varronis summam sequareis DCCXXXVII. si Capitolinam DCCXXXVI. C. Furnio C.F. & C. Junio C.F. Silano cos. anticipato anno, quem eos sequenti facere debuissent, ut centesimus decimus expletus esset, constansque annorum ratio seruaretur. Quod cur factum fuerit, latius supra docui, ubi de tempore urbis conditae disputauit. Nam Caesaris dictatoris tempore, uetus annorum ab urbe condita ordo L. Taruntio Firmano, & Varrone auctoribus immutatus est. Is enim annus qui ex antiqua summa DCCXXXVI. ab urbe condita erat, ex noua numerandi ratione. DCCXXXVII. factus fuerat. Caesar uero Augustus quum uoluisset antiquam & religiosam celebrandi ludos rationem retinere, ut septimo suae decadis anno fierent, non ad antiquam sed recentem annorum summam respexit, eoque anno urbis si tabulas Capitolinas sequareis DCCXXXVI. si Varronis autem quantum sequebatur, DCCXXXVII. quo potissimum decadis anno idest VII. celebrari solebant. Sed quum de iis latius supra disputauerim, reliqua persequar. Magistri autem XV. uirum, qui Augusti ludis saecularibus praefuerunt, adhuc in fragmēto Capitolino ita supersunt

LV DI . SAECVLARES . QVINCT	
IMP . CAESARE . DIVI . F . AVGSTO	
C . SENTIO . C. F. C. N . SATVRNINO	
M . CLAVDIO . M. F. M . N. MARCELLO	MAG . XV . VIR
M . FVFIO . M . F . STRIGONE	
D . LAELIO . D . F . D . N . BALBO	

Cur autem hi ludi post C. Silii & L. Munatii Planci consulatum in Fastorum Capitolinorum fragmento, prope finem imperii Augusti supersint, satis supra in posteriore Fastorum praefatione aperui. De his ludis T. Liuius libro CXXXVI. eodem anno (inquit) ludos saeculares Caesar ingenti apparatu fecit. Zosimus autem hos ludos abolitos paulatim, & sicut ipse resert diu intermissos, quibusdam aduersis rebus incidentibus, Sibyllinis monitis, Augustum instaurasse scribit, L. Censorino & M. Manilio Cos. C. Atteio Capitone jurisconsulto, & xv. uiro sacris factulis, circuitum, spatiumque subiiciente, leges uero & mores, ritumque factorum libris indicantibus Sibyllinis; qui ab eo interpretabantur. Zosimi sententiam confirmare uidetur coloniae prior Claudio Caesar in historiis suis; qui intermissos eos; Augustum multo post diligentissime annorum ratione subducta celebasse tradidit, ut est apud Tranquillum. De ludis saecularibus Augusti, Plinius libro VII. capite XIIIX. mentionem facit. Suetonius quoque in Augusto cap. XXXI. Fecit (inquit) ludos saeculares, quibus iuuenes utriusque sexus prohibuit ullum nocturnum spectaculum frequentare, nisi cum aliquo maiore natu propinquorum. De his ludis Ovidius libro II. de tristibus ad Augustum Caesarem ita scribit

Iusslerat & Phoebo dici, quo tempore ludos

Fecit, quos aetas aspicit una semel

His autem ludis cantatum fuisse carmen saeculare, quod ab Horatio editum suit

Phoebe, siluarumque potens Diana. Acro & Porphyrio interpretes auctores sunt. Dio etiā historiarum libro LIII. & Censorinus cap. XIII. hos ludos ab Augusto Caesare, C. Furnio, & C. Silano cos. factos scribit, anno urbis DCCXXXVII. De saecularibus Augusti extat apud Antonium Augustinum nummus argenteus in cuius altero latere est: IMP CAES AVG XV VIR LVD SAEC F. in altero uero L MESCINIVS RVFVS III VIR

Post Caesarem Augustum sequentes principes ludos saeculares ad libitum potius, & pro arbitrio, quam religionis ergo celebrasse, non obseruato centum & decem annorum religioso ordine, satis constat. Nam Claudio Caesar primus post Augustum, anno ab urbe condita DCCC. sextos ludos saeculares ipso IIII. & L. Vitellio III. cos. quasi anticipatos ab Augusto, nec legitimo tempori referuatos, fecit. Quamquam ipse alias postea, monumentis litterarum tradiderit, Augustum in saecularium editione diligentissime temporum rationem seruasse. Claudium imp. suspicatus sum eos ob hanc caussam ante statum tempus celebrasse, quod saeculares ipsos uoluerit ad annum quendam insignem redigere, perinde ac ad centesimum, tanquam ad saeculi initium, ueteraque obseruatione tanquam parum apta relata, eum rationem habuisse. potius annorum urbis conditae, quibus in saecula distributis, centum annos vnicuique; saeculo dispensauit, quam ueteris & ineptae religionis, quae nulla, ut tum forte uidebatur, haud sane probabili ratione, annum saecularem conciso decennii numero obseruabat. Atq; ob eam rem singulo quoque centesimo anno vrbis eos in futurum referri debere instituerat, eaq; ratione ipse primus omnium ediderat. Qui tamen sequentium principum, qui euni sequeretur neminem praeter Philippum imp. habuit. Is enim ludos saeculares millesimo vrbis conditae anno fecit. Quapropter quem inter Claudii, & eos quos Aug. Caesar ediderat ludos LXIII. anni tantum intercessissent, inrisa est (ut ait Tranquillus in eius uita) vox praeconis inuitatis more solemnii ad ludos, quos nec spectasset qui spia, nec spectaturus esset, quem supererent adhuc qui spectauerant, & quidam histriorum producti olim, producerentur quoque, inter quos (ut Plinius libro VII. cap. XLIX. refert.) unus Stephanus fuit, qui primus togatus saltare instituit; cum enim saltasse scribit utrisque ludis saecularibus, & Augusti, & quos consulatu suo quarto Claudio Caesar fecit, quando LXIII. non amplius anni interfuerere. De eisdem ludis, idem Plinius libro VIII. cap. XLII. Claudi (inquit) Caesaris saecularium ludorum circensibus, excusso in carceribus auriga, albatu equi palmarum occupauere. Cornelius quoque Tacitus libro XI. ait; Iisdem consulibus ludi saeculares DCCC. post urbem conditam anno, quarto & LX. quam Augustus ediderat spectati sunt. De iisdem ludis Censorinus & Dio mentionem faciunt, prior cap. XIII. sequens in Claudi vita libro LIX.

Septimos ludos saeculares ut testantur Censorinus, & in Domitiano Tranquillus; computata ratione temporum, ab anno, non quo Claudio proxime, sed olim Augustus ediderat, fecit Imperator Domitianus Augustus, ipso XIII. & L. Minucio Rufo cos. anno post urbem conditam DCCXL. Quam recte autem haec Tranquillus scripsit, haud satis scio. Si quidem Domitianus imperator nec Augusti, nec Claudi saecularium, quum ipse eos celebrasset, rationem habuit. Non Claudi, quia uix quadragesimus ab eius ludis annus exactus erat. Non Augusti, quia sex annos anticipauit. Eos enim non DCCXL. sed DCCXLVII. ad Augusti summam edere debuisset. Quod qua ratione fecerit haud equidem scio. Tacitus libro XI. se hanc caussam reddidisse scribit: ubi ita ait: Vtiusque principis, & Claudi, & Domitiani, rationes praetermitto de ludis saecularibus, satis narratas libris, quibus imperatoris Domitiani res composui. Nam is quoque edidit ludos saeculares, iisque intentius sui sacerdotio XV. uirali predictus, ac tum praetor, quod non iactantia refero, sed quia collegio XV. uirum antiquitus ea cura, & magistratus potissimum exequebantur officia caerimoniarum. Ego autem existimarem, Domitianum ipsum ludos saeculares, a numero decennii septenario, in quo prius celebabantur tanquam parum apto ad primum eius decadis, Liuianam forte, & Antiatis annorum summam in hac dumtaxat re sequutus, redigere uoluisse, in qua ex antiqua consuetudine ludos saeculares referri oportebat; & ita aliqua ratione Augusti ordinem est sequutus, potius quam Claudi, non quidem ratione numeri, sed annorum decadis. De ludis saecularibus Domitiani uidi in museo Achillis Maffei antiquum eiusdem nummum aereum, in quo haec scripta sunt: IMP. CAES. FLAV. DOMITIANVS. AVG. GERM PONT. MAX. TR. POT. VIII. COS. XIII. LVD. SAEC. FEC De his ludis scribit Papinius in silua ad V.P. Gallicum, cui titulus Soleria; quum inquit:

Nec tantum induerit fatis noua saecula crimen

Aut instaurati peccauerit ara Terenti

Martialis quoque de eisdem meminit epigrammatum lib. III. ita

Hic colat ingenti redeuntia saecula lustro

Et quae Romuleus sacra Terentus habet

Magna quidem superi petimus sed debita terris

Pro tanto quae sunt improba dona Deo

Eosdem etiam simul cum iis quos Claudio fecit, innuit in epitaphio cuiusdam matronae, quae binis ludis saecularibus Claudi, & Domitiani interfuerat, quum ait

Bis mea Romano spectata est vita Terento

Et nihil extremos perdidit ante rogos

Terenti autem Varro (ut supra dixi) in linguae Latinae commentariis, Ouidius in Fastis, & plerique ueteres mentionem faciunt. Sex. Aurelius Victor: Domitiani (inquit) tempore ludi saeculares celebrati sunt

Octauos ludos saeculares, centesimo & XV. anno, postquam eos Fl. Domitianus ediderat, Censo rino & Zosimo auctoribus, fecerunt Imperatores Caes. L. Septimius M. F. Seuerus Pius Pertinax Aug. & M. Aurelius L. F. Antoninus Pius Fel. Augustus, L. Fabio M. F. Cilone II. & M. Annio M. F. Libone cos. Anno post urbem conditam D C C C C L V I I . In ludis enim saecularibus celebratis Seuerus imperator, nec Claudi, nec Domitiani annorum, sed antiquae Augusti summae rationem habuit, quum eos CC. & XX. anno exacto, posteaquam ipsos Augustus ediderat, fecerit. De his Herodianus mentionem facit libro IIII. quum ait: Vidimus item sub illo quosdam ludos omnis generis, cunctis editos theatris, simulque supplicationes, & per uigilia ad formam Cereris initiorum, saeculares hi tum appellabantur, celebratos ut aiunt decurso trium spatio aetatum. Siquidem urbe tota atque Italia praecones ibant conuocatum omnes ad ludos, quos nec uidissent haec tenus, nec uisuri postmodum forent. Scilicet inter uallum praeteritae, futurae que celebritatis superare hominum aetatem significantes: Dio quoque in Seueri vita, aetate sua eos factos memoriae prodidit. Est apud Antonium Augustinum castissimi & elegantissimi uirum ingenii nummus aereus cum hac stelographia. SEVERVS. PIVS. AVG. P. M. TR POT. XII. COS. III. LVD. SAEC. FEC

Post Seuerum negat amplius instauratos fuisse Zosimus, quoniam hic centum & decem annorum ambitus, ueterum iam auctoritate receptus, in Constantini Christiani principis, ac Licini quartum incurritset consulatum: quamquam ego apud Capitolinum, Eusebium, Cassiodorum Sex. Aurelium Victorem, Eutropium; & in nummis Philippi antiquis, nonos ludos saeculares a Philippo imperatore anno urbis conditae millesimo, Philippis patre III. & Filio II. cos. editos inuenierim. Decimo praeterea eos factos ab Honorio imperatore sexto suo consulatu refert Claudianus: quos utrorumque principum ludos, ideo Zosimum praeterisse existimo, quod ludi qui a Philippo celebrati sunt, praeter antiquum annum ambitum facti fuerint. XL. III. tantum anno posteaquam eos Seuerus fecerat exacto, ob quam rationem etiam ita ludorum saecularium Claudi ineminit tanquam non legitimo tempore factorum. Honori quoque ludos tacuit, quum acerrimus esset nostrae religionis hostis, ne principis Christianissimi in hac re mentionem faceret, quod existimaret ab eo potius pollutos, quam editos ludos. Constat autem (ut de Philipporum ludis ante loquar) ex Eusebio in chronicis, Cassiodoro, Eutropiique libro IX. ob solemnitatem millesimi urbis anni, sub Philippis expletis, sacra ingenti ludorum, & spectaculorum apparatu a Philippis patre, & filio Augustis fuisse celebrata, bestiasque innumerabiles in circo maximo interfectas, & ludos in campo Martio theatrales tribus diebus, & tribus noctibus populo per uigilante editos, quibus ludis, quos etiam saeculares appellat Sex. Aurelius Victor, dicitur Philippum iuniorem, tum quinquennem, qui ideo agelastos dictus est, quod nunquam risisse feratur, patrem petulantius cachinantem, quamquam adhuc tenerum uultu auersato notauisse. De eisdem ludis Julius Capitolinus in Gordiano: Fuerunt (inquit) sub Gordiano Romae elephanti XX. & II. quorum ipse XII. miserat, Alexader. X. alces X. tigres X. leones mansueti LX. leopardi mansueti XXX. belbi. I. hienae X. gladiatorum fiscalium paria mille. hippopotamus, & rhinoceros unus, archoleontes X. camelopardali X. onagri XX. equi feri XL. & cetera huiusmodi animalia innumera, & diuersa, quae omnia Philippus ludis saecularibus uel dedit, uel occidit. Has autem omnes feras mansuetas, & praeterea efferas, parabat Gordianus ad triumphum Persicum, sed uotum publicum nihil ualuit, nam omnia haec Philippus exhibuit saecularibus ludis, & muneribus, atque circensisibus quum millesimum ab urbe condita annum, in consulatu suo, & filii sui celebraret. De saecularibus ludis Philippi multam, & uariam mentionem fieri uidi in plerisque uetustis eiusdem aereis, & argenteis nomismatibus; quae sunt Venetiis in museo integerrimi uiri Stephani Magni patricii Veneti. Is inter ceteram, quam habet ueterum nummorum supellectilem, octo quoque aut decem habet Philipporum argenteos, aereosque nummos, variis & mirabilibus in primis significationibus ornatos; inter quos duo sunt alter aereus, alter argenteus iisdem signis excusi; ab uno enim latere circum Philippi senioris caput sunt litterae: IMP CAES. M. IVL. PHILIPPVS. AVG. COS. III. ab altero uero, in num

anno tantum argenteo nota I. cum hac inscriptione: S A E C V L A R E S . A V G G . in cuius medio est leo. Est alius eiusdem nummus cum nota numeri II. in quo cum iisdem uerbis est lupa praebens Romulo & Remo infantibus mammas. Tertius porro nummus Philippi iunioris circum eius caput scriptum habet: I M P . C A E S . M . I V L I V S . P H I L I P P V S . A V G . . C O S . I I . a tergo nota III. & haec uerba S A E C V L A R E S . A V G . cum animali facto ad caprae formam sine cauda, quod alcem fuisse credo. Quartus est Philippi vxoris sic inscriptus: M A R C I A . O T A C I L . S E V E R A A V G . ab alio latere nota IIII. Cum hippopotamo. Quintus porro nummus est Philippi senioris cum nota numeri V. & ceruo litterisque iisdem quas supra rettuli. Sextus nummus eiusdem etiā est cum nota VI. supra quam est animal capra non absimile, sed cum cornibus serratis, quae forte hiena erat. Res visu digna, & maxime memorabilis uisa est. In iisdem enim nummis omnia animalium genera formata fuisse existimauit quae Philippum ludis saecularibus exhibuisse paulo ante ex Capitolino, in Gordiani uita ostendi. Sunt eo in loco, & alii argenti aeneique de iisdem ludis Philipporum nummi, in quorum uno qui est Philippi senioris, circum columellæ signum sic inscriptae cos. III. Est: M I L I A R I V M . S A E C V L V M . In altero qui Philippi iunioris caput habet circum elephatum est ita scriptum: A E T E R N I T A S . A V G . Multos praeterea uidi, quos nunc longum esset enumerare. Porro autem cum hos ludos celebrauit Philippus, neq; Augusti, & Seueri; neque Domitiani annorum rationem habuit, sed ea quae Claudiu[m], etiam Philippum ratio mouit, qui ut ille octingentesimo sic ipse millesimo vrbis anno expleto, eos celebrauit

Vidi etiam in eodem musaeo Gallieni argenteum nummum in cuius altero latere circa eiusdem caput scriptum erat GALLIE N V S . A V G . ab altero uero erat ceruus cum haec inscriptione S A E C V L A R E S . A V G . Hanc rem tanquam nouam miratus sum, nec quid dicam habeo, ipsum enim ludos saeculares celebrasse & temporum ratio repugnat, & nemmo quod sciam, auctor est. Quare res ipsa in ambiguo sit

Decimo Romae ludos saeculares remotis (ut existimo)daemonum sacrificiis, solis tantum circensisbus, & theatralibus ludis, qui usque ad ea tempora perdurauerant, Imp. Honorius Augustus sexto suo consulatu, ducentesimo anno, postquam a Seuero editi fuerant, fecit; ludorum Philippi tanquam, qui non legitimo tempore celebrati fuerint, ratione neglecta; Fuit is annus vrbis  $\infty$  CL VII. Nam Constantimum Imperatorem, qui primus Romanoru[m] principu[m] publice Christi fidem relicta antiqua superstitione, est amplexus hos celebrari uetus esse existimandum. Quum Eusebius eiusdem editio antiquorum templo clausa, daemonum sacrificia prohibita, ludosque plurimos sublatos fuisse, referat. Ceterum Honorius imp. eos hac lege celebrandos Romanis concessisse crediderim, ut sine sacrificiis, solis tantum ludis circensisbus, & theatralibus, illos in memoriam pristinae celebritatis ederent, a quibus solemnibus difficillime Romani auelli poterant; quod sensim Romanorum pontificum praecipua, & perpetua opera factum est; ut de ludis gladiatoriis, Lupercalibus, uirginibus Vestalibus & ceteris huiusmodi, quae omnia longo tempore etiam post Constantimum in vrbe permanserunt. De his ludis Claudianus in panegyrico sexti Honori Imp. consulatus ita scribit

Nunc praesens etiam Getici ne lauera belli  
Declinare potest, sedes ne capacior ulla  
Tantae laudis erit? tua te benefacta morantem  
Conueniunt meritisque suis obnoxia uirtus  
Quod seruauit amat, iam flauescentia centum  
Messibus aestuiae detondent Gargara falces  
Spectatosque iterum nulli celebrantia ludos  
Circumflexa rapit centenus saecula consul

Ceterum eos Honorius non seruata antiqua religione centum & decem annorum edidit, sed ducentesimo tantu[m] anno post superiores celebratos fecit, quum illos ducetesimo & vigesimo facere debuisset; hoc est anno vrbis  $\infty$  CLXXVI. Quod ideo factu[m] puto, quia iā falsa opinio illa animos omnium imbuerat, eos antiquis temporibus, centesimo quoq; anno tantu[m] fieri solitos. Nam omnes horum temporum auctores, qui de eis scriperūt, illos antiquitus centesimo quoq; anno fieri solitos

B 2 tradunt

tradunt. Post Honorium imperatorem uero eos nulla ratione amplius instauratos existimò; neque enim est aliqua eius rei memoria; quum praesertim centesimus annus post, in Anastasi, Theoderique imperia incidat, quibus uniuersae fere antiquorum caerimoniae, & ritus exoleuerant quum religio sanctissima Iesu Christi, quae his superstitionibus insensissima erat, omnia iam obtinuisse.

De diebus porro quibus hi ludi celebrabantur, quos trinos fuisse auctor est in Ternario numero Ausonius, quum ait

Trina Terentino celebrata trinoctia ludo

quod etiam Valerius, Eusebius, & Cassiodorus affirmant, nūc paucis me expediam. Eos Zosimus, post messis tempus fieri solitos refert. Cuius rei nullam apud alios scriptores mentionem extare uidet. Ego autem quantum conjecturis quibusdam consequi potui, tempora prius distinguenda esse existin o, deinde de diebus differendum. Nam alio tempore dum res publica fuit, alio uero sub imperatoribus, eos referri solitos opinor. Republica enim stante (quamquam hoc pro certo haud affirmare aūsum) XI. X. & IX. Kal. Mai, Parilibus, & duobus diebus sequentibus eos edi solitos fuisse, his rationibus mihi persuasi. Quum ludi pro vrbis salute, atque im- peri aeternitate fierent, uerosimile uidetur, eos vrbis natali die celebrari solitos. Meam uero hanc opinionem maxime confirmat, quod ex antiquis nummis collegi, eos sub imperatoribus postea, diebus natalitiis eorundem imperii instauratos fuisse. Qui procul dubio id ex antiquo ritu acceperunt; ante Augustum enim eos natali vrbis Romae die factos fuisse existimandum est. Quum uero singulare imperium Roma perfereret, tum haec sacra quae pro salute vrbis & reipub. agebantur; a Romanis principibus ad suam & vrbis, cuius domini erant deuotionem translata sunt; ludique qui Parilibus celebrabantur, suis ipsorum imperii diebus natalitiis peragi uoluerunt. Ipsos autem ludos Augustorum aetate diebus imperii natalitiis referri solitos, ita ex Domitiani nummis, nam Augusti, uel Claudi eiusmodi non extant, demonstrari potest. Satis ex his quae supra in commentariis dixi, manifestum est, Romanos principes qui ad imperii fastigium eueeti erant, primo imperii die, tribuniciam potestatem assumere solitos, nisi eam, quod plerunque accidit, praedeceessore uiuo obtinuissent. Ex qua, ut tradit Dio, annos quoque imperii numerabant, ita ut quū dicitur tribuniciae potestatis primum, secundum, & tertium; nihil aliud significetur quam eum imperatorem imperii annum primum, secundum, & tertium agere. Domitianus igitur (ut in eius uita tradit Tranquillus) statim post Titi fratris mortem, primo imperii die, qui fuit Idibus Septembribus tribuniciam etiam potestatem, quam patre, fratreque uiuis, obtinere non potuerat, suscepit. Isque dies fuit imperii natalis, Quem magna ludorum celebritate ueteres principes Romani colere solebant. Proximis vero Kal. Ianuariis, quum octauum consulatum iniisset; eum, ut tradit Tranquillus, usque ad quartum decimum continuauit. Satis autem ex Censorino, & antiquis Domitiani nummis liquet, ipsum ludos saeculares consulatu suo XIII. fecisse. Sic enim in iis legitur

IMP. CAESAR. DOMITIANVS. AVG. GERM. COS. XIII. LVD. SAEC. FEC  
Qui consulatus in septimum, & octauum sui principatus annum, ut ex Fastis cognosci potest, incidit. Hoc est in tribuniciam potestatem VII. & VIII. Quod etiam ex his duobus nummis eiusdem argenteis intelligitur. IMP. CAES. DOMIT. AVG. GERM  
PONT. MAX. TR. POT. VII. IMP. XIII. COS. XIII. Item in alio. IMP. CAES. DOMITIANVS. AVG. GERM. P. M. TR  
P. VIII. CENS. P. P. P. COS. XIII. LVD. SAEC. EEC

Ex quibus nummis clare quod dixi manifestum est, annum Iulianum quo ipse XIII. consul fuit, duos eius imperii, & tribuniciae potestatis annos VII. & VIII. attigisse. In quo a Kalend. Ianuariis ad Idus Septembres (is dies imperii natalis & tribuniciae potestatis erat) posterior septimi imperii anni, ab Idibus uero Septembribus, ad Kal. Ianuarii sequentis anni Iuliani, prior octaua tribuniciae potestatis, & imperii anni pars transfacta fuit. Quum autem ludi saeculares Domitiani, consulatu eius XIII. tribunicia uero potestate VIII. relati tradantur; illud postremo ne cesset, ut inter Idus Septembres, & prid. Kal. Ianuarias eiusdem anni editi sint, quandoquidem consulatu XIII. ante easdem Idus tribunicia potestas non VII. sed VII. post Idus uero, immo Idibus ipsis, octaua referatur: proximis uero Kal. Ianuariis quamquam adhuc tribunicia VIII. sint, non tamen est amplius annus XIII. consulatus. Necesse itaque est ut ludi saeculares Domitiani inter Idus Septembres, & pridie Kalend. Ianuarii anni consulatus XIII. acti sint. Ceterum quum inter Idus Septembres & pridie Kalend. Ianuarii nullus memorabilis dies, tantaeque solemnitati aptus esse reperiatur, reliquum est ut dicamus, ipsos ludos Idibus Septembribus, die natali imperii Domitiani, & duobus diebus sequentibus XVIII. & XVII. Kal. Octobris celebratos. Atque haec de saecularibus Domitiani satis sint

Eadem

Eadem de saecularibus Seueri imperatoris ratio est. Quos Censorinus L. Fabio Cilone II. & M. Annio Libone cos. factos fuisse refert. Extat apud Antonium Augustinum antiquus Seueri nummus, ita inscriptus: SEVERVS. PIVS. AVG. P. M. TR. P. XII. COS. III. LVD SAEC. FEC. Ex Dione uero, & Aelio Spartiano elicitor imperii Seueri natalem diem fuisse Idibus Maii. Eo autem anno quo Cilo II. & Libo consules fuerunt, ut ex Fastis consularibus liquet, Seuerus tribuniciam potestatem egit XI. & XII. vnde dicimam quidem a Kal. Ianuarii ad Idus Maii; duodecimam uero ab Idibus Maii, ad prid. Kal. Ianuarii. Quod si ludi saeculares Seueri, ut nummus indicat, tribunicia potestate XII. Seueri facti sunt, Cilone II. & Libone cos. ut tradit Censorinus, necesse est ut relati sint, ea illius anni parte, quae est Idibus Maii, ad prid. Kal. Ianuarii. Quo temporis interualllo, quum nullum insigniorem diem extare uiderim, quam imperii natalem, eos suspicatus sum celebratos fuisse Idibus Maii, imperii die natalitio, & duobus sequentibus, more maiorum.

Hoc idem postremo de Philippo dicendum est, quod idcirco minime praeterire uolo, quod ex hac disputatione difficillimam quaestionem enodari posse existimo. Constat igitur ex antiquis nummis, quorum exempla supra relata sunt, & veterum scriptorum monumentis, duos Philippos imperatores, patrem & filium ludos saeculares anno ab urbe condita millesimo expletio fecisse. Quod quamquam primo aspectu iis qui in Fastorum lectione uersati sunt, fieri non posse uideatur, quod Philippi senioris tertius, iunioris uero secundus consulatus, quibus ludi celebrati traduntur, non in  $\infty$  sed in  $\infty$  I. annū urbis inciderint, haec tamē contradictione hac ratione tolli facile potest. Si enim animaduerterimus diem natalem imperii Philippi Augusti fuisse circa Kal. Martias, ut supra demonstrauit, Peregrino & Aimiliano cos. post Gordianum occisum; facile etiam intelligemus eos & millesimo ab urbe condita anno, & consulatu eiusdem tertio, filiique sui secundo celebratos fuisse, quotiescumque die natali imperij editi sint. Nam si eos circa Kal. Martias die natali imperii fecit, non quidem superiore anno eos referre potuit, quo ipse II. filius uero primum cos. fuit, quandoquiqem is non  $\infty$ . sed  $\infty$  XCIX. adhuc esset, millesimus enim proximis Parilibus inchoandus erat. Si igitur eos & millesimo urbis anno, & die natali imperii sui fieri uoluit, necesse fuit, ut eos in sequentem annum Iulianum dixeret, quo ipse III. filius uero II. cos. fuit, cuius priores tres menses extremi anni  $\infty$ . urbis conditae fuerunt, si quidem proximis Parilibus  $\infty$  I. incipiendus erat. Quum illud satis constet annum Julianum unum, binos urbis conditae attingere, ille enim Kal. Ianuarii hi vero XI. Kal. Maii a spicari solent. Reliquum est ergo, ut ludi saeculares Philippi facti fuerint, circa Kal. Martii anni  $\infty$ . urbis conditae patre III. & filio II. cos. in fine eius anni. Nam  $\infty$  I. proximis Parilibus inchoari debebat. Quod etiam confirmant Eusebius, & Cassiodorus, qui ita scribunt: Regnabitibus Philippis, millesimus urbis annus expletus est; ob quam solemnitatem ludi theatrales, & circenses, & cetera, facti, quasi hoc in fine anni millesimi urbis Romae factum esse demonstrant, qui erat circa principium anni Iuliani. Suggerit deinde Cassiodorus: Quadragesima missus natali urbis Romae concurrerunt, hoc est: sequenti, in quo iam millesimus annus expletus erat, primusque noui saeculi incipiebat; quod idem innuit quum inquit; & Agon mille annorum, idest exactorum, auctus: Quod etiam Philippi antiqua nomismata indicant cum hac inscriptione PHILIPPVS. AVG. COS. III. SAECVLVM. NOVVM. perinde ac post mille annos, saeculum alterum inciperet.

De ritu autem saecularium ludorum haec fermè tradit Zosimus. Instante ludorum tempore per totam Italiam p̄aecones mittebantur conuocatum omnes ad eos ludos, quos nemo adhuc spectasset, nec amplius spectaturus esset, significantes scilicet praeteritae, futuraeque celebritatis interuallum, supra omnem hominum esse aetatem. Tum paucis antequam spectacula ederentur diebus, imperator ipse, siue consules, & XV. viri sacris faciundis in Capitolio, & Palatio, ante Apollinis Palatini, & Iouis Capitolini templa, pro suggestu considentes, populo piamina, seu februa distribuebant, hoc est quae ad flagitorum expiationes pertinerent. Haec erant thedae, sulphur, & bitumen. Ea uero liberi tantum capiebant. Serui enim his solemnibus sacris omni no exclusi erant. Hoc autem in antiquo Domitianus nummo, qui est apud Achillem Masseum, aperte intelligitur, in cuius altera parte est ipsius imago, cum hac stelographia: IMP. CAES. DOMIT. AVG. GERM. COS. X. A tergo autem haec sunt: In primis vir, quem imperatorem esse verissimile est, pro ampio suggestulaeua, ante templi cuiusdam porticum, quae quattuor columnis Corinthiis substituuntur, sedens, distribuensque eiusmodi piamina manu dextra, atque ante pedes habens duo uasa, sub cuius tribunal hoc scriptum est: SVF. P. D. hoc est suffimenta populo data. Ante quem a parte dextra sunt duo p̄ae- terea homines alter parvus prope illum manus attollens, aliquid a sedente principe accepturus,

perinde ac pueri facere solent; alter grandior retro accipiens haec suffimenta, seu piamina de manu principis sedentis: & circum scriptum est: PON. Γ. MAX. TR. POT. VIII. CENS. P. P. P. LVD. SAEC. FEC. Ad haec coibat populus, tum in ea quae supradiximus loca, tum praeterea in Dianaem templum, quod in Auentino colle conditum erat, ubi cuique libero ordeum, triticum, fabasque dari mos erat parcis offerendas. Huius quoque rei in antiquo etiam Domitiani nummo aereo qui est apud eundem Achillem mentio est ita. In eius enim altera parte est ipsius imperatoris caput cum his litteris: DOMITIANVS. AVG. GERM. P. M. TR. P. VIII. CENS. P. P. P. in altera uero, est templum eximium cum porticu, quattuor columnis Corinthiis suffulta, ante quam dextra est uir pro ampio suggestu sedens (ipse est Domitianus) habens ad pedes tria uasa, aut tres vrnas (tria enim frugum genera distribuebantur) sub tribunal uero, siue suggestu scriptum est, FRVG. AC. ex alia uero nummi parte, A. POP. i. Fruges acceptae a populo. Imperator enim sedens, dextera manu, quam porrectam habet, pateram tenet, ex alia uero nummi parte, idest sinistra, sunt uiri duo stantes ante eius tribunal, duas pateras, aut vase in ambabus manibus tenentes, ex quibus prior pateram, quam dextra tenet, porrigit sedenti principi tanquam aliquid ab eo accepturus ex sua. Idem facere uidetur aliis uiris qui retro stat. Circū haec est inscriptio. COS. XIII. LVD. SAEC. FEC.

His rebus distributis, tum ad formam Cereris initiorum sanctissime castaque peruigilia siebant. Vbi uero festus dies primus aduenisset, quem toto triduo, trino&gioque in campo Martio sacris ipsis intenti, haud longe ab ipsa Tiberis ripa, scilicet prope Terentum celebrabant, sacrificia Ioui, Iunoni, Neptuno, Mineruae, Veneri, Apollini Mercurio, Cereri, Volcano, Marti, Diana, Vestae, Herculi, Latonae, fontium Deis, ad haec Parcis, & quas uocant Ilithyas, Diti patri, & Proserpinæ, prout in antiquis nomismatibus diuersorum principum animaduerti, faciebant. Primae autem noctis ludorum hora secunda: consules ipsi temporibus quidem reipub. siue post, Imperator una cum x v. uiris sacris faciundis, tribus aris ad amnis ripam extructis, totidem agnos immolabant, arisque ipsis sanguine perfusis, quae supererant uitimarum corpora concremabant. Haec etiam omnia uidi in alio Domitiani antiquo nomismate apud Antoniu Augustinum. Circa cuius caput ex una parte sunt hæ litteræ: IMP. CAES. DOMIT. AVG GERM. P. M. TR. POT. VIII. CENS. P. P. ex altera uero: sunt tres porticus columnis Corinthiis substantatae sub quibus tres illae arae extructe erant de quibus dixi; ante quas est uir stans, quem imperatorem Domitianum esse existimo, a parte sinistra sacrificans, infundensque pateram super ignem arae impositum, lituum sinistra seu baculum quendam sacerdotalem tenens: retro aram est uir alias duas tibias simul, quas ambabus manibus tenet, sonans; ita ut in medio nummi ille sit, a parte uero dextera è regione sacrificantis, est aliis uir stans, cytharamque pulsans. Circum uero COS. XIII. LVD. SAEC. FEC. Porro autem constructa iuxta Terentum, ad amnis ripas in theatri morem scaena extemporanea, lumina, lycnuchi, & ignes accendebantur, hymnique concine ad hunc maxime usum compositi cantabantur, spectacula quoque quaedam edi solemniter solita, agebantur; terraque euulsa super aram Ditis patris, & Proserpinæ, quae antiquitus, a Poplicola, & ante illum a Voluso Valesio, reperta fuerat, hostias furuas Diti patri, & Proserpinæ immolabant. Merces uero celebrantibus primitiae frugū erant, tritici scilicet, ordei, & fabarum, ex quibus postea quae supererant, ut superius dictum est, inter uniuersum populum diuidebantur. Mane autem eiusdem primi diei, in Capitolium ascendentes, poste aquam Ioui optimo maximo sacra solemnia de more riteque perfecissent, ad praeparatum theatrum, ut ludos in Apollinis, Dianaemque honorem faciundos celebrarent, conueniebat. Postero autem die, nobiles matronas ea hora, quae ab oraculo præcipiebatur, in Capitolium conuenire, ibique deo supplicare, frequentare lectisternia, ex ritu hymnos canere, Iunonis quoque aram adire consuetum erat. Postea Imperator ipse, & xv. uiri sacris faciundis, vota ante suscepta soluebant, Ioui etenim, Apollini, Neptuno, Herculi tauros albos; Iunoni, Mineruae, Dianaem iuencias concolores: Parcis agnas, caprasque atras; Diti uero patri, Proserpinæque hostias furuas, suem, scilicet, & scorfam nigram sacrificabant; ceteris quoque diis sua sacra, ut unicuique mos erat; reddebantur. Cuius rei extant etiam nummorum exempla. Tertio autem die in templo Apollinis Palatini ter nouem pueri prætextati, totidemque uirgines patrimi omnes matrimique Graeca, Romanaque uoce carmina, & paeanas concinebant, quibus imperium, senatum, populumque Romanum diis immortalibus commendabant. Singulis autem ludis secularibus, hymnos nouos præsenti tempore congruos editos pueri puellæque cantabant, qualis est ille, qui ab Horatio editus, ludis secularibus Caesaris Augusti cantatus est, quæ ideo subiicere placuit, ut ex illo tum ceterorum hymnorum ratio cognosci queat; tum ea, pro quibus deos precabantur, quisque intelligere possit. Est autem hic

Phoebe, siluarumque potens Diana  
 Lucidum coeli decus, o colendi  
 Semper, & culti, date quae precamur  
     Tempore sacro  
 Quo Sibyllini monuere uersus  
 Virgines leetas, puerosque castos  
 Dis, quibus septem placuere colles  
     Dicere carmen  
 Alme Sol, curru nitido diem qui  
 Promis, & celas; aliasque & idem  
 Nasceris, possis nihil vrbe Roma  
     Vifere maius  
 Rite maturos aperire partus  
 Lenis Ilithya tuere matres  
 Siue tu Lucina probas vocari  
     Seu genitalis  
 Diua producas sobolem, patrumque  
 Prosperes decreta super iugandis  
 Feminis, prolisque nouae feraci  
     Lege marita  
 Certus vndenos decies per annos  
 Orbis, ut cantus, referatque ludos  
 Ter die claro, totiesque grata  
     Nocte frequenteis  
 Vosque veraces cecinisse parcae  
 Quod semel dictum est, stabilisque rerum  
 Terminus seruat, bona iam peractis  
     Iungite fata  
 Fertilis frugum, pecorisque tellus  
 Spicea donet Cererem corona  
 Nutriant foetus & aquae salubres  
     Et Iouis aurae  
 Conditio mitis, placidusque telo  
 Supplices audi pueros Apollo  
 Siderum regina bicornis audi  
     Luna puellas  
 Roma, siue strum est opus, Iliaeque  
 Littus Etruscum tenuere turmae  
 Iussa pars mutare 'areis, & vrbum  
     Sospite cursu

Cui per ardentem sine fraude Troiam  
 Castus Aeneas patriae superstes  
 Liberum muniuit iter daturus  
 Plura relictis  
 Di probos mores docili iuuentae  
 Di senectuti placidae quietem  
 Romulae genti date, remque prolemque  
 Et decus omne  
 Quique uos bobus veneratur albis  
 Clarus Anchisae Venerisque sanguis  
 Imperet bellante prior, iacentem  
 Lenis in hostem  
 Iam mari, terraque manus potenteis  
 Medus, Albanasque timet secures  
 Iam Scythaes responsa petunt superbi  
 Nuper, & Indi  
 Iam fides, & pax, & honor, pudorque  
 Priscus, & neglecta redire virtus  
 Audet, apparentque beata pleno  
 Copia cornu  
 Augor, & fulgente decorus arcu  
 Phoebus, acceptisque nouem Camoenis  
 Qui salutari leuat arte fessos  
 Corporis artus  
 Si Palatinas uidet aequus arceis  
 Remque Romanam, Latiumque felix  
 Alterum in lustrum, meliusque semper  
 Proroget aeuum  
 Quaeque Auentinum tenet, Algidumque  
 Quindecim Diana preces virorum  
 Curet, & votis puerorum amicas  
 Applicet aureis  
 Haec Iouem sentire, deosque cunctos  
 Spem bonam, certumque donum reporto  
 Doctus, & Phoebi chorus, & Diana  
 Dicere laudes

Haec autem agendo imperium populi Romani perpetuum fore sibi persuadebant. Hoc vero ludorum saecularium triduo, ludi celebabantur, omnibus circis, & theatris, omnium generum; & sacrificia templis omnibus siebant, noctu pariter atque interdiu. De Circensibus ludis saecularibus celebrari solitis, Tranquillus in Domitiano: Circenium (inquit) die ludis saecularibus, quo facilius centum missus uno die peragerentur, singulos a septennis spaciis, ad quina corripuit. De scaenicis vero histriónibus, saltatoribusque ludorum saecularium, Plinius libro VII. capite XLVIII. mentionem facit, vbi de Stephanione saltatore togato loquitur, quem utrisque ludis saecularibus, & Augusti, & Claudii saltasse scribit. Venationes quoque, ubi diuersorum

rum generum ferae conficiebantur, populo exhibebantur. Cuius rei meminit Capitolinus in Gordiano III. Fuerunt inquit, sub Gordiano Romae elephanti XX. & duo, quorum ipse XII. misserat, Alexander X. alces X. tigres X. leones mansueti LX. leopardi mansueti XXX. belbi id est hyene. L. gladiatorum fiscalium paria mille: hippopotamus, & rhinoceros unus. Archoleontes X. camelopardali X. onagri XX. equi XL. & cetera huiusmodi animalia diuersa, & innumera, quae omnia Philippus ludis saecularibus, uel dedit, uel occidit. Has autem omnes feras mansuetas, & praeterea efferas parabat ad triumphum Persicum, sed uotum publicum nihil valuit. Nam omnia haec Philippus exhibuit ludis saecularibus, & muneribus, atque circensis, quum millesimum ab urbe condita annum in consulatu suo, & filii sui celebravit. Ludis autem saecularibus completis ara Terentina Diti patri & Proserpinae antiquitus a Romanis consecrata, quae ex gestis ruderibus primo die aperiri consueverat, rursum terra obducta operiebatur, sequenti bus tantum ludis saecularibus referanda. Consuetum autem erat (quod etiamnum Romani pontifices anno Iobilei obseruant) ut hic os. vel Imperatores sub quibus ludi facti erant, nomen suum aerae eidam inscriptum cum ordine rei gestae, tempore que, in Terento conlocarent, quae aerae adhuc in antiquis Augusti, Domitiani, Seueri, & Philipporum nummis uidentur. Quorum omnium inscriptiones ex eisdem nummis accurate concinnatas suggestere placuit, Caelatio enim Augusti in hanc fere formam, esse poterat

IMP. . CAESAR . DIVI . FIL  
AVGVSTVS . PONTIF . MAXIMVS  
TRIBVNIC . POTEST . VII . COS . XI  
IMPERATOR . VIII . ET  
M. AGRIPPA. L. F. PONTIF. TRIBVNIC  
POTEST . II . COS . III . IMPERAT . IV  
EX . S . C  
LVDO . SAECVLVRES . FECERVNT  
ANNO . POST . VRB . COND . DCCXXXVII  
C . FVRNIO . C . F  
C . IVNIO . C. F. SILANO CoS  
Claudii uero sequens

TI. CLAVDIVS . DRVSI . FIL  
CAESAR. AVGVSTVS. GERMANICVS  
PONTIFEX . MAXIMVS . TRIBVNIC  
POTESTAT . VII . IMP . XIV . CoS . IV  
CENSOR . P. P  
LVDO . SAECVLARES . EX . S . C  
FECIT  
ANNO . POST . VRBEM . COND . DCCC  
TI. CLAUDIO . CAESARE . AVGVSTO  
GERMANICO . IIII . CoS  
L . VITELLIUS . P. FILIO . III  
Domitianus autem imperatoris

IMP . CAESAR . DIVI  
VESPAZIANI . FIL  
FLAV . DOMITIANVS . AVGVST  
GERMANICVS . PONTIFEX  
MAXIMVS . TRIBVNIC . POTEST  
VIII . IMP . XIII . COS . XIV  
CENSOR . PERP . P . P  
LVDO . SAECVLARES  
EX . S . C . FECIT  
ANNO . POST . VRBEM . COND  
DCCCCXLI  
IMP . CAESARE . DIVI . VESP . F  
FL . DOMITIANO . AVGVSTO CoS  
GERMANICO . XIII  
L . MINVCIO . RVFO

Seueri autem esse potuit

**IMPERATOR . CAESAR**

L . SEPTIMIVS . M . F . SEVERVS  
 PIVS . PERTINAX . AVGSTVS . P . P  
 PARTHICVS , ARABICVS , ET  
 PARTHICVS . ADIABENICVS  
 PONTIFEX . MAXIMVS  
 TRIBVNIC . POTEST . XII . IMP . XI  
 COS . III . PRO . COS

ET

**IMPERATOR . CAESAR**

M . AVRELIVS . L . F . ANTONINVS  
 PIVS . FELIX . AVGSTVS  
 PONTIFEX . TRIBVNIC . POT . VII  
 COS . DES . II . P . P . PRO . COS  
 LVDOS . SAECVLARES , EX . S , C  
 FECERVNT  
 ANNO . POST . VRBEM . CONDIT .  
 C<sup>o</sup> . LVII  
 L . FABIO . M . F . CILONE . II  
 M . ANNIO . M . F . LIBONE CoS

Philippi autem erat

**IMPERATOR . CAESAR**

M . IVLIVS . PHILIPPVS . P . F  
 AVGSTVS  
 PONTIFEX . MAXIMVS  
 TRIB . POT . V . COS . III . P . P . IMP . ET

**IMP . CAES . M . IVLIVS**

AVG . FIL . PHILIPPVS . P . F . AVG  
 PONT . TRIB . POT . II . COS . II  
 EX . S . C  
 LVDOS . SAECVLARES . FECERVNT  
 ANNO . POST . VRBEM . CONDITAM .  
 C<sup>o</sup>  
 IMP . CAES . PHILIPPO . AVGSTO . PATRE  
 III . ET  
 IMP . CAES . PHILIPPO . AVG . F . AVGSTO . II  
 C O S

Porro autem quum in hac ludorum saecularium disputatione , Sibyllinorum aliquoties carminum mentio facta sit , oportunum esse existimai si ea , quae nunc etiam apud eundem Zosimum sine ullis fafragis reperiuntur , & ab Angelo Politiano elegantissime , seruato (ut ipse inquit) in compate illius ac venerandae vetustatis aliquo colore Latina redditia sunt , modo suggestam : sunt autem haec

Ast ubi iam humanae longissima tempora uitae  
 Orbis agens annos referet, centumque decemque  
 Sis Romanæ memor (licet alta obliuia tentent)  
 Sis memor, ut qua se nimium Tiberina coartat  
 Ripa, feras diis in campo solemnia sacra  
 Quum nox atra premit terras, te<sup>c</sup>tusque latet sol  
 Agnae, caprigenumque pecus genitalibus parcis  
 Hostia furua utraeque cadant, tum numina placa  
 Laeta puerperiis, (quod fas fuat) Ilithyas  
 Terra suem ferat, & scrofam sibi fertilis atram  
 Sed Iouis ante aram candardi corpore tauros  
 Luce feri, nam lux superis gratissima diuis  
 Iunonis templum nitida ceruice iuuenga  
 Imbuat, atque itidem Phoebus placetur Apollo  
 Quem uocitant esse Solem, Latoa propago  
 Paeanas puerique cantant, pueraeque Latinorum  
 In templo, sed enim pueri, pueraeque seorsum  
 Concelebranto choros, uerum haec sit patrima proles  
 Matrimaque, at nuptiae genibus Iunonis ad aram  
 Oranto inuise, diuamque in uota uocanto  
 Februa, quum etiam, uir quisque, & femina quamquam  
 Femina praecipue, accipito dehinc aedibus omnes  
 Primitias uitae placidis placamina diuis  
 (Qua fas est) & caelitibus portando beatis  
 Ante domi tamen illa memor tibi habeto reposta  
 Quae dare mox usu liceat, poscente uirisque  
 Femineoque gregi: tum digna sedilia diuis  
 Perque dies iuxta, & noctes multesima turba  
 Complento, & lepidis miscento seria ludis  
 Quae tibi, si stabili sint omnia condita mente  
 Cuncta tuo Italiae tellus, cunctaque Latini  
 Subdent colla iugo, & uictoris sceptr'a timebunt

Post Honorium autem imperatorem omnino fieri desierunt, siquidem tempus centum & decem annorum, in Christianorum tempora deuenit, qui his superstitionibus aduersi, eos agere desierunt. Quare etiam imperii vrbisque declinationem factam fuisse nititur Zosimus persuadere, quum inquit. Quarto uero Constantini, & Licinii consulatu, tempus statum ludis saecularibus celebrandis centū uidelicet, & decem annorum exactum est, in quo ex antiquorum consuetudine sacra ipsa agere necesse erat, eisque non factis, in eas molestias, in quibus nunc res sunt deuenire oportuit; siquidem tanta vrbs, tamque praeclara barbarorū mancipium effecta est. &c. vixit autem Zosimus Arcadii, & Honorii imperatorum tempore, quando Alaricus Gothorum rex vrbum Romanum cepit. Quibus omnibus & similibus calumniis, quum diuus pater Augustinus in libris de ciuitate dei, & plerique alii ueteres Christiani scriptores accuratissime satisfecerint nefas esse arbitror, de iisdem rebus amplius disserere. Ceterum quo omnia quae dici magis confirmari possint, antequā ad huius disputationis finem ueniam, ipsius Zosimi uerba ad amissum translata ex initio secundi historiarum suarum libri, qui acephalus est, suggerere uolui

*Ex secundo libro historiarum Zosimi. Deest principium*

\*

Ex homine maxime diuturnam uitam mediū huius celebritatis spatium amplecti. Romani enim aeum saeculū uocant. Prodest autem ad contagionum, morborū, & interitus remedium. Habuit certe initiu ex eiusmodi causa. Volusus Valesius a quo Valerorum gens deducta est, fuit in Sabinorum gente praeclarus. Erat ei nemus ante uillam proceris maxime arboribus; quae quū fulmine iactae statim conflagrassent, dubitare coepit, quid nam is fulminis casus significaret. Nec multo post quū ipsius filij graui morbo correpti, ad desperationem usq; medicorū laborarēt haruspices cōsuluit, quibus ex cōsuetudine casus ignis, conijcientibus quod haec deorū ira esset, Volsum sacrificiis deos placare iusserunt. Quumq; in magno metu cum vxore esset, moxq; filiorum mortem expectaret, laribus familiaribus se adiuoluens, pro liberorum salute suum matrisque puerorum capita deuouit. Quum uero ad nemus fulmine iactum respexisset, uocem e nemore statim audiuit, quae saluos eos fore promittebat, si pueri Tiberi ad Terentum peruecti calefactam Ditis, & Proserpinæ foco de fluuij ipso biberent aquam. Quae quum audisset filiorum salutem magis desperauit. Longissime enim abesse Tarentum, scilicet in extrema Iapygia, nec proxime eam urbem reperiri ullum fluum Tiberim sciebat. Malam praeterea spem ei afferebat aqua, quam in aris terrestrium daemonum calefieri oportere audierat. Super hac quo que re ambiguus, quum iterum haruspices consuluisset, ab iis monitus est, ut emnino diis obtemperaret. Impolitos igitur in lintrem filios, secumque ignem afferens, Ostiam ire pergebat. Mox quum ad campi Martii regionem lintrem deuexisset, qua placidissime annis labitur, exposuit in ripam aegrotos, ac dum tumultuarium sibi tugurium concinnat, admonetur a gubernatore petendum potius Tarentum, ibique commorandum. Ita enim locus in proximo appellabatur, sicut Tarentum quod est in extrema Iapygia. Tum uero Volusus auditio Terenti nomine supplex diuinum numen orauit, gubernatoremq; illuc nauigium appellere iussit. Quo cum peruenisset, omnia pastoribus nuntiauit. Statimque aquam festinato de flumine haultam, ac quodam foco quem ibi repererat calefactam filiis bibendam dedit. Potui succedit somnus salutaris. Somno experecti recuperata ualetudine patri renuntiant, uisum sibi per somnium praecipia nescio quo deorum ut Diti patri, & Proserpinæ furuae ibidem mactarentur hostiae, trinoculumque perpetuum choris, & carminibus celebraretur. Is homo in campo Martio Terento proximo, in quo etiam admodum aptus est locus ad equorum exercitationem, defodi iaciundis alte arae fundementis, iubet. Tunc ara eo in loco condita inuenta est in qua littere erant, quae Plutonis, Proserpinaeque mentionem faciebant. Tunc igitur quid sibi agendum esset apertius edoctus, in ea ara mactat (quod iussus fuerat) furuas continuo uictimas, & trinoculum sacris frequētat. Huius arae sacrificiique ritus originem ab eiusmodi causa habuisse fertur. Quum bellum inter se Romani Albanique gererent, & utraq; in procinctu iam staret acies, extitit repente quidam monstruosa specie, pelle amictus nigra, vociferans iubere Ditem patrem, deamque Proserpinam sub terra sacrum sibi fieri prius quam proelium comitteretur. Quae quum dixisset euauit. Quo perterrefacti uiso Romani, aram sub terra edificarunt, & statim sacrificio facto, eam pedum uiginti aggere obtexerunt, ut ara illa ceteris omnibus Romanis exceptis esset incognita. Hanc quum Volusus reperisset, sacrificiumque in ea, & trinoculum celebrasset, ex eo Manius Valerius Terentinus appellatus est. Romani enim terrestres deos manes appellant; & sanum esse ualere dicunt. Terentinus uero a sacrificio Terenti facto est vocatus. Porro autem aliquot annis post ciuibus pestilentia laboratibus P. Valerius Poplicola primus post reges exactos consul, apud hanc ipsam, quam dixi aram, atrum bouem Diti pro maribus concolorēm pro feminis iuuēcā Proserpinae mactauit, ciuitatemq; pestis morbo liberauit, araeq; titulum ita scripsit

P . V A L E R I V S . P O P L I C O L A  
I G N I F E R V M . C A M P V M  
D I T I . E T . P R O S E R P I N A E  
C O N S E C R A V I . E T . L V D O S  
D I T I . E T . P R O S E R P I N A E  
R O M A N O R V M . S A L V T I S  
E R G O . F E C I

Quadringtonis porro annis post urbem conditam, quū bellis & pestilentia ciuitas uexaretur, atq; tot malorū remedium quaereretur ex S.C. lecti sunt, qui libros consulerent Sibyllinos, ex quorum responso cognitum est, futurum malorū finem, si Diti patri, & Proserpine sacra facerent. Locum igitur conquirentes, iisdem ut iussum fuerat, denuo regesta huino, apud aram hanc ipsam, in extremo campi Martii, de more sacra, & ludos persoluerunt, restitutaque Romaris iterū incolumitas est, M. Popillio & Quintio cos. Post ludos uero factos, aram iterum cooperuerunt.

Huius

instaurauit Octavianus dignus imperator L. Censorino, & M. Manilio cos. Legum, priscorumque morum neglectione Atcio Capitone exponente, tempora uero quibus sacrificandum erat, sacrificijque morem, ex carminibus Sibyllinis, XV. Viris sacris faciundis ostendentibus, qui Sibyllinorum oraculorum libros seruabant. Post Octavianum uero Claudius celebrationē hanc fecit, constitutorum annorum numerum non obseruans. Cuius rei cauſa Domitianus neglecto annorū ſpatio Claudij, eos ad Octauiani annorū summā celebrauit. Post haec Seuerus decē & centum instantibus annis, cum Antonino & Geta filiis eandem ſolemnitatem fecit, Cilone & Lione consulibus. Celebritatis autem huius ratio ſic eft litteris prodita. Instantibus ludis, praecones undique circuibant, omnes ad ſpectaculum inuitantes, quod neque antea unquam ſpecta uiffent, neque poſtea ſpectaturi eſſent. Idque poſt tempus messis ſiebat. Paucis diebus antequam ludi ſpectari coeperebant, XV. viri S. F. in Capitolio, & templo iuxta Palatiū pro tribunali ſedentes populo piamina, idest res quae ad piacula, & flagitorum expiationes perteſt, diſtribuebant, ea erant taedae ſulphur, & bitumen. Ad quae accipienda ſeruis ius ullum erat, ſoli tantum liberi ea capiebant. Coibat autem populus tum in ea quae ſupra dixi loca, tum praeterea in Dianaē templum quod eft in Auentino, & cuique triticum, fabas, & ordeum dari mos erat, quae parcis offerrent, poſtquam cum ſanctimonia caſteque uigilaffent. Vbi uero festus dies iam adueniſſet, triduum trinoctiumque ſacrifici intenti, in ripa ipſa maxime Tiberis, apud Terentum agitabant. Sacrificia uero Loui, Iunoni, Apollini, Dianaē, Parcis, Cereri, Plutoni, & Proſerpinae peragebant. Igitur ſecunda prime noctis ſacrorum hora, princeps ipſe tribus aris, ad ripam fluminis extructis, totidem agnos, & una XV. uiri immolabant, & ſanguine imbutis aris, caefi uictimarum corpora concremabant. Constructa autem ſcena in theatri morem, lumina & ignes accendi, & hymni concinni, ad hunc uſum tum maxime compoſiti, & inde ſpectacula edi ſolemniter ſolita; data celebrantibus hac mercede, tritici, fabae, ordeique primitiis, quae ſupra inter uniuersum populum diuidi, oſtendi. Mane uero in Capitoliū ascendere, ſacra ibi de more agitare, tum in theātrum conuenire, ad ludos in honorem Apollinis & Dianaē faciundos, confueuerunt. Sequenti die nobiles matronae qua hora praecipitur ab oraculo, conuenire in Capitoliū, ſupplicare deo, frequentare leſternia, canere hymnos ex ritu mos habebat. Tertio uero die in Apolliniſ Palatini templo, ter noueni pueri praetextati nobilesque, totidemque uirgines patrimi omnes & matrimi Graeca Romanaque uoce hymnos, & paeanas concinnebant, quibus imperium Romanum, & incolumitatē populi dijs immortalibus commendabant: omniaque ſiebant quae in carminibus Sibyllinis precipiebantur. Quibus celebratis Romanū imperium integrum permanſit. Quae ut re ipſa credi poſſint, Sibyllae carmen adponā.

Aſt vbi iam humanae longiſſima tempora uitae. & cet  
Si igitur ut uaticinium inquit, hoc uerum eſt: omnibus rite peractis Romanū imperium ſeruatum eſt, obtinueruntque omnem (ut dixi) orbem terrarum. Contempta uero & neglecta hac obſeruatione, Diocletiano imperio abdicante, paulatim imperium ipſum labefactatum eſt, & poſtea in praeceps pronum corruit, ut ipſi uidimus, atque tanta urbs tamque praeclarā barbara effecta eſt. Hoc etiam uerum eſſe & ex temporum ratione oſtendam. A Cilois enim & Libonis consulatu, quibus cos. ludos ſaeculares edidit Seuerus, uſque ad annum in quo Diocletianus IX. & Maximianus VIII. consules fuerunt, centum ſupra unum anni intercesserunt, quo tempore Diocletianus ipſe cum Maximiano imperio abdicans, priuatam uſque ad mortem uitam egit, idemque Maximianus fecit. Tertio uero Constantini, & Licinii consulatu, tempus ſolemne ludis ſaecularibus celebrandis centum & decem annorum impletum eſt, in quo ex majorum instituto ſacra ipſa celebrari necesse erat, quibus neglectis in eas moleſtias, in quibus reſunt, deuenire necesse fuit. & cet. Atque haec tenus Zosimus &, deludis ſaecularibus

F I N I S

ON VPHRII . PANVINII . VERONENSIS  
 FRATRIS . EREMITAE . AVGVSTINIANI  
 DE . SIBYLLIS . ET . CARMINIBVS  
 SIBYLLINIS  
 AD . ACHILLEM . MAFFEV M  
 CIVEM . ROMANVM  
 LIBER



Vv m in tractatione ludorum saecularium Achilles uir optime tam Sibyllae quam carminum Sibyllinorum saepe mentionem fecerim; atq; de ijs disputare in priore praefatione constituerim, res ipsa nūc postulare uidetur, ut absoluta de ludis saecularibus disputatione, nūc ea de quibus uerba facere pollicitus sum, persequar, atque de ijs, quae apud ueteres scriptores extare uidi, ad hoc pouissimum argumentum pertinetia differam, praesertim quum res quamquam a plerisque tractata sit, non admodum, tamen accurate ab ullo, quod sciam fuerit explicata.

Sibyllae igitur a quibus Sibyllina oracula tradita sunt, Varrone in libris rerum diuinorum, Diodoro Siculo libro V. & Lactantio libro primo diuinorum institutionum auctoribus, mulieres dicebantur deo plenae, quarum pectora quum diuinum numen recepissent, uaticinabatur, appellatae, ut idem Lactantius, ex Varrone, & Seruius super iiiij. Ae-neidos tradunt, a consilijs deorū nūtiandis. Aeoles enim *τιούς* deos dicunt, & *Εὐληνοί* consilium, siue sententiam. Ergo Sibyllae, quasi Sibullae dictae, idest quae dei consilia mortalibus enuntiat. Hieronymus contra Iouinianum: Quod si Aeolici (inquit) sermonis genere Sibyllae *θεοβουλη* appellatur, recte consilium dei sola scribitur nosse uirginitas. Sunt qui Sibyllas omnes ab unius Delphidis nomine uocatas dicunt, ea uero a deorum consilijs nominata est. Suidas Romana uoce eam prophetissam hoc est uatem interpretari posse scribit.

Quae autem, aut quot, quibusue temporibus, aut locis Sibyllae fuerint, magna inter ueteres scriptores dissensio est. Alij enim tantum unam, alijs duas, alijs tres, alijs quatuor, alijs decem, aut etiam plures Sibyllas fuisse dixere. Quidam etiam Graecorū conati sunt, ex Sibyllis facere, quod de Iouibus, Herculibus, Mineruisque, & alijs deis fecerunt, qui quum multi fuisse, unum tam prodidere, ut auctor est M. Varro. Atque de ea uarie scribunt, multumque inter se tum de patre, tum de patria discrepant. Alij enim Apollinis & Lamiae filiam existimant; alijs Aristocratis & Idolis; alijs Crinagorae; alijs Theodori. De patria quoque non minus inter se dissident. Nonnulli eam Erithream fuisse tradunt, quidam Siculam, alijs Sardinicam, alijs Gergeticam, alijs Rhodium, alijs Libycam, alijs Leucanam, alijs postremo Samiam. Quae omnia magna ex parte de Erithrea opinati sunt. Quidam etiam eam ante Troiana tempora fuisse, quidam ipsius Troiae excidio, Graecisque uaticinata Ilium periturum, alijs uero longe post uixisse scribunt, ita ut cui potissimum credendum, ambiguum sit. Hanc opinionem reiicit M. Varro in libris quos rerum diuinorum scriptos reliquit, qui quum de XV. Viris sacris faciundis loqueretur, Sibyllinos libros ait non fuisse unius Sibyllae, sed appellari uno nomine Sibyllinos, quod omnes semiuae uates Sibyllae sint a ueteribus nuncupatae.

Martianus Capella duas tantum Sibyllas fuisse refert, & non plures, Erophilem Troianam Mar mesi filiam, quam eandem putat esse cum Phrygia, & Cumaea; alteram Symmachiam Hiporesis filiam, quae Erithre nata, etiam Cumis uaticinata est.

Plinius libro XXXIII. Cap. V. auctor est Romae in foro iuxta rostra, trium Sibyllarum fuisse statuas ceteris minores; ex his unam Pacuvius Taurus aedilis plebis instituit, duas uero reliquias M. Valerius Messalla augur. Quarum nomina Solinus Cap. VII Polyhistoris refert. Una enim ex his Cumana erat quae Cumis, olympiade quinquagesima uaticinata est, ubi eius facellum usque ad nostra tempora fuit. Quod incendio Puteolano, anno salutis 100 DXXXIX terra obrutum est. Haec libros L. Tarquinio superbo Romano regi attulit, cuius sepulchrum in Sicilia diu mansit. Altera Delphica quae ante Troiana tempora uixit, atque ut Boethius perhibet eius plurimos uersus Homerus operi suo inseruit. Tertia porro Herophilis Erithrea quae post Troiana bella uixit, atque inter alia Lesbijs uaticinata est, eos maris imperium amissuros, multo nteq uam id accideret.

Aelianus autem libro XII. variae historiae, quattuor Sibyllas asserit, Eritream, Samiam, Aegyptiam, & Sardianam. His alii duas Iudeam, & Cumeam adiungunt, ut sint sex; quibus quidam alias praeterea quattuor addunt, eorum uero nomina non referunt. M. Varro (ut est apud Lactantium libro primo) quo nemo unquam doctior, ne apud Graecos quidem, nec apud Latinos uixit, in libris rerum diuinarum quos ad C. Caesarem pontificem maximum scripsit, Sibyllas decem numero fuisse refert, easque omnes enumerat cum auctoribus qui ea-rundem gesta monumentis litterarum consignarunt. Quas non eo ordine, quo a Lactantio digeruntur, enumerabo; qui nec temporis, nec Sibyllarum rationem habet, sed quum ab antiquissimis ad recentiores deuenero, eis praeterea addam, quae a ueteribus Graecis & Latinis scriptoribus de iisdem Sibyllis, & carminibus earundem notata sunt

#### *De Sibylla Delphica*

Prima igitur ex his Sibyllis, quas Varro inter decem enumierat, omniumque uetusstissima Sibylla DELPHICA fuit. De qua Chrysippus loquitur in eo libro quem de diuinatione compo-suit, quam quidam Athemini uocatain scribunt, Delphisque ortam. Haec ut Boethus perhibet longe ante Troiana tempora uaticinata est, cuius plurimos uersus Homerum operi suo inse-ruisse plerique tradiderunt. Eam Diodorus Siculus libro V. Daphnem Thyresiae filiam fuisse re-fert, quam Arguii quum Thebas uicissent, Delphos misere uotum reddituri. Quae prius quū diuinandi artem a patre Thyresia edocta fuisse, Delphis manens uaticinandi peritior Apollinis ui facta est, deique responsa consulentibus edebat: itcirco ante omnes Sibylla est ab omnibus uocitata, ut auctor est Varro. Hinc omnes mulieres diuinandi peritiae ut quidam tradiderunt Si-byllae dici cooptae sunt. De hac Solinus cap. VII. Polyhistoris, & Plinius libro XXXIII. cap. V mentionem faciunt. Fertur & Daphne altera Ladonis Arcadis filia ab Apolline adamata, quae in laurum est uersa; quum deum aduersaretur, & fugeret. Fabulam narrat primo metamor-phoseos Ouidius. Porro autem ante hanc nullam mulierem uaticinatam fuisse legitur

#### *De Sibylla Erithrea*

Altera Sibylla fuit Erithrea dicta, quam Apollodorus Erithreus affirmat suam fuisse ciuem, eamque Graiis Ilium potentibus uaticinatam, & peritaram esse Troiam, & Homerum menda-cia scripturum. Hoc autem uaticinium integrum extat in libro qui uulgo circunfertur, oraculaq; Sibyllina octo libris digesta continet, in lib. tertio. Hac vulgatior opinio est fuisse ante bel-lum Iliacum. Eusebius uero in chronicis eam in primam aetatem urbis Romae, regnumque Romuli refert. Strabo autem duas ponit Erithreas Sibyllas hanc priscam, & aliam recentio-rem nomine Atheniam, quam Alexandri temporibus fuisse scribit. Lactantius uero Sibyllam Erithream Babylone natam esse ait, & sepe Erithream appellari maluisse. Hanc Solinus cap. VII. Polyhistoris Heriphilem appellatam, pauloque post Troiana tempora floruisse scribit, de qua supra dixi; Huius etiam Aelianus libro variae historiae XII. & Marcianus Capella men-tionem faciunt

#### *De Sibylla Cumaea*

Tertiam autem Sibyllam CVMAEAM fuisse existimo, de qua Naeuius in libris quos de pri-mo bello Punico scriptos reliquit, & L. Piso Censorius in annalibus mentionem faciunt. Haec in Italia uaticinata est paulo post excidium Iliacum, ut quidam tradunt, quam Italicam multi uocant, ex Cimerio Campaniae vicino Cumis oppido oriundam. Sunt qui scribant, hanc esse ad quam Aeneam Ilio profugum diuertisse Virgilium singit libro VI. Deiphobe appellata. De-hac Marcianus scribit

#### *De Sibylla Samia*

Quarta porro Sibylla SAMIA fuit, de qua in antiquis Samiorum annalibus mentionem fieri Eratosthenes uetusstus auctor scripsit, Phyto uocata. Huius meminit Aelianus libro XII. variae historiae. Hanc Numae Pomplii temporibus fuisse circa XVI. olympiadem Eusebius scribit in chronicis, Hippomneme Athenis principe, Heriphilemque appellatam

#### *De Sibylla Cumana*

Quinta Sibylla CVMANA fuit nomine Amalthea quae ab aliis Demophile, uel Herophile nomi-natur, Suidas Hierophilem dicit. Fuit autē haec quae nouem, uel ut aliis placet, tres libros Sibyl-linorum oraculorum ad Tarquinium Superbum detulit, de qua re latius paulo post dicam. Hanc Soli-nus cap. VII. Polyhistoris quinquagesima olympiade floruisse scribit, atq; eam post Delphicam, & Erithream uaticinatam fuisse tradit. Cuius sepulchrum sua aetate in Sicilia mansisse refert. Eam uero non Eriphilem uocat, hac enim appellatione Erithream afficit, quam hac Cumana antiquiore fuisse opinatur. Eusebius uero nec Erithream, nec Cumanam, sed Samiam Hero-philem uocatam scribit, quam Numa Romanorum rege uiuente, floruisse refert. Cumana au-tem Sibylla, si modo uerum est, eam fuisse, quae Superbo libros obtulit, vixit olympiade quin-quagesima quinta

#### *De Sibylla Helleponica*

Sexta Sibylla HELLEPONTICA fuit, in agro Troiano, vico Marmisso nata circa oppi-

dum Gergithium , quam scribit Heraclides Ponticus , Solonis & Cyti fuisse temporibus , vixit autem olympiade LX

#### *De Sibylla Libyca*

Septima Sibylla LIBYCA fuit . Cuius meminit Euripides in Lamiae prologo . Hanc autem ante olympiadem octuagesimam uaticinatam fuisse ex hoc satis liquet , quod Euripides qui ea aetate uixit , eam commemorat

#### *De Sibylla Persica*

Ostaua post supra dictas Sibylla PERSICA fuit , cuius mentionē fecit Nicanor , qui res gestas Alexandri magni Macedonum regis conscripsit . Hanc ipsam Chaldeam uocat Iustinus martyr in admonitorio ad gentes libro , atq; eam ex Babilone profectam , eius Berosi qui tribus libris Chaldaicam scripsit historiam , & Erimanthae nobilis mulieris filiam fuisse tradit . Berosus autem Babylonius fuit , Belique in Babilone sacerdos , ut refert Assyrius Tatianus in oratione contra Graecos , qui eundē Alexandri magni aetate uixisse , & Antiocho post Alexandrum tertio , Chaldaicā historiam , regumque gesta tribus libris digesta obtulisse , scribit . Sunt qui hanc Sibyllam Hebraeam , eiusque propriū nomen Sambetha Noe fuisse tradūt , ex quadam vībe prope rubrum mare ortam . Huius libri fuerunt quattuor ac viginti , in quibus de Christo deo , & eius aduentu innumera cecinit . Huius versus (ut tradit Iustinus) passim legebantur imperfecti & interdū parum cohaerentes , non quidem uatis , sed exscribentium festinanter uitio , ita ut multa coniectura opus esset , quod non sine manifesto dei consilio accidit , ne egregia vaticinia ab indignis inteligerentur . Vixit autem olympiade CXX . Iustinus in libro gentium admonitorio hanc ipsam Cumānam etiam appellat , eamque , ex Babilone Cumās Italicas profectam tradit , ubi consulentibus dei iussu oracula reddebat , ita ut Erithrea , Persica , & Phrygia Sibyllae Cumaea & Cumanae , aliquando dictae sint

#### *De Sibylla Phrygia*

Nona uero Sibylla fuit PHRYGIA , quae uaticinata est Ancyrae , quam idcirco nono loco posui quum quod tempus quo uixerit , reperire nō potui , tum etiam quod Lactantius , & eo longe prior Varro , eā nono loco numerauerunt . De hac Marcianus Capella scribit , quam eandē cum Cumaea esse arbitratur in agro Troiano natam

#### *De Sibylla Tiburtina*

Eadem ratio est de loco decimae Sibyllae , quam TIBURTINAM uocant nomine Albuneam , quae Tibure ut dea ad Anienis ripas colebatur . Cuius in gurgite simulachrum eius inuentum esse dicitur , tenens in manu librum , cuius sacra senatus in Capitolium transtulit . Has decem Sibyllas tradit ex Varrone Lactantius libro primo contra gentes cap VI

#### *De reliquis Sibyllis*

Fuerunt et aliae pleraeque extra decem numerū Sibyllae , ut COLOPHONIA quae dicta est Lamputia Calcantis face dotis , peritissimique auguris filia , cuius uaticinā et responsa carmine olim legebantur . Fuit et alia Sibylla nomine ELISSA , quae et ipsa carminibus uaticinabatur . Referri quoque potest in numerū Sibyllarum CASSANDRA Priami filia , quae patriae excidium prae- ciniuisse fertur , consulentibus que responsa dedisse , de qua Virgiliius libro II . Aeneidos sic scribit

Tunc etiam fatis aperit Cassandra futuris

Ora , dei iussu non unquam credita Teucris

Fuit etiam Sibylla EPYROTICA Thespitoriae nata , quae oracula scripsit . Item THESSALICA MANTO Tyreuae uatis Thebani filia , qua fatidica a Virgilio appellatur . Potest etiam Sibylla dici CARMENTA mater Euandri Arcadis , multa enim uaticinatam fuisse ferunt . Et FAVNA uel FATVA Fauni Italiae regis soror et coniūx , quae Bona dea postea dicta est . Dubitauit Didius grāmaticus ; an SAPHO Sibylla dici possit , ut est apud Senecam in studiis liberalibus , & si alii eo loco non Sibyllam , sed publicam legant . Omnia etiam Sibyllarum antiquissima dici potest DELBORA uxor Lapidoth mulier Hebraea de qua legitur Iudicum libro capite IIII . Cui addi potest MARIAMME soror Mosis & Aaron , ut legitur in Exodo capite X XII . & pēstrem OLDIA Sellemi uxor , de qua paralipom. II. cap. XXXIII . multa leguntur sub rege Iudacorum Iosia

Harum fere omnium Sibyllarū carmina circumferri & legi aetate sua refert Lactantius , praeter Cumānae , cuius libri a Romanis occulebantur : nec eos ab ullo nisi a XV. uiris inspici fas erat . Erantque singularium singuli libri , qui quia Sibyllae nomine inscribebantur , unius esse semper crediti sunt , erantque confusi simul , ac immixti , nec discerni , aut suus cuique Sibyllae assignari poterat liber , praeter Erithreae , quae & nomen suum carmini uerum inferuit , & Erithream

se nominatam iri praeloqua est. Nunc quidam liber Graecus Sibyllinorum oraculorum circumseritur octo libris digestus, quem eum esse existimo, de quo plura Lactantius excepit, quum praesertim omnes sere eos uersus, quos de Christo citat Sibyllinos in eo reperiri constet.

Extant quoque Sibyllae Erithreae eius generis uersus quidam qui acrostichis uocantur. Hi sunt apud Eusebiū Graeci in libro V.de uita Constantini Imperatoris, ijdemq; Latini facti apud diuum Augustinum libro XVIII.de ciuitate dei cap.XXIII. In quorum singulis capitibus ordo litterarum ita est dispositus, ut in eis haec verba legantur IESVS . CHRISTVS . DEI . FILIVS SERVATOR . CRVX. Hique ab Eusebio eo loco Sibyllae Erithreae fuisse traduntur. Sic autem scribit: Sibylla igitur Erithrea, quae seipsum sexta post diluvium generatione uixisse, & Apollinis sacerdotem fuisse dicit, diadema ex aequo una cum deo, cui seruiebat gestans, & tripoda circa quem serpens gyrabat colens, appropinquantesque ad se repellens propter dementiam parentum, qui eam tali cultui uouerant, intus in ipsis alioqui adytis, importuna superstitione occupata, diuina tamen inspiratione reserta, carminibus de Christo Iesu uaticinata est, in serie primarum litterarum uersuum. Haec autem sententia est, quae & acrostichis dicitur

I H C O Y C . X P I C T O C . Θ E O Y . Y I O C  
C ο T H P . C T A Y P O C . idest  
I E S V S . C H R I S T V S . D E I . F I L I V S  
S E R V A T O R . C R V X .

Carmina autem sunt haec Latinae seruata quantum fieri potuit  
acrostichi, redditia

- I Judicio telluris erit sudoribus omen
- E Erumpetque alto, carnem qui iudicet atque
- S Suspensum (tanti est regis praeſentia) mundum
- V Viderit inde omnis, uelſi perspecta fides est
- S Siue haec nulla deum sanctosque in finibus aeui
- C Carnis amasius, & pulpa uestitus amica
- H Hic animis alba e sella ius dicet, eritque
- R Rerum campus inops, tribuli nascentur, opesque
- I Inuisae fient homini, atque iacebit imago
- S Soluentur portae stigii Plutonis ab illo
- T Tum quod uis ista gaudebit luce cadauer
- V Vir sacer atque exlex flamma dignoscitur, atque
- S Scitur integrum quicquid tamen usque latebat
- D Ducet enim lampas, referatis frontibus intro
- E Et multi plangent, multi ringentur, & astra
- I Inducent choreae legem, facies tum Solis opaca
- F Flexum erit & caelum, nulla quoque luce Diana
- I Implebit ualles, & cassa cacumina reddet
- L Labentur colles hominum fastidia, toti
- I Incipient aequor fieri montes, mare demum
- V Veliuolum nulli, quum tellus fulmine arescer
- S Subsident fontes, & nusquam fluminis horror

- s Suspectum caelo sonitum dabit aere recurvo  
 e Eiulans turba perniciem mundique labores  
 r Recludetque chaos immensum terra dehiscens  
 v Vndique conuenient reges , sedemque videbunt  
 a A caelo riuus flammae , unde sulphuris atrii  
 t Tum bene iactandum indicium mortalibus atque  
 o Optatum cornu signum , cum gente fideli  
 r Res aeque una piis uita , orbique insitus error  
 c Clara duodenis illustrans fontibus undam  
 r Roboreumque pedum toto dominabitur aevo  
 v Versibus exscriptus deus his primo relictura est  
 x Xenophilus nostra causa rex ultima passus

Ab altero vero seruata linguae Graecae acrostichi sic uersi sunt

- i Iudicii signo , tellus sudore madescet  
 h E caelo ueniet princeps per saecla futurus  
 c Scilicet ut carnem praesens , & iudicet orbem  
 o Omnis homo hunc fidusq; deum, infidusq; videbit  
 v Vna cum sanctis excelsum fine sub aeui  
 c sede sedens animas censem corpora , & ipsa  
 x Chersos erit mundus , spinas feret undique tellus  
 p Reiicient simulachra homines , & munera Ditis  
 i Inquirens portas infringet carceris atrii  
 c Sic etenim cunctae ueniet lux libera carni  
 t Tunc sanctis : Ignis fontes aeternus aduret  
 o Occultos actus omnes tunc quisque loquetur  
 c Sed tenibrosa deus collustrans pectora pandet  
 e Threnus erit cunctis , & stridor dentis adesi  
 e Effugiet Solis iubar , astrorumque choreae  
 o Omne poli lumen soluetur , & aurea Luna  
 v Valles extollet , collesque a uertice perdet  
 v Vsquam nec celsum mortalibus aut graue quicquiam  
 i Inde aequi montes campis , hinc caerulea ponti  
 o Omne ratis spernent onus , hiscet fulmine tellus  
 c Sic fontes simul arescent , & fluminis aluei  
 c Stridula tum querulum sonitum tuba fundet olympos  
 o Orbis grande malum rugiens , & damna futura  
 t Tartareumque chaos monstrabit terra dehiscens  
 e Et uenient omnes reges domini ante tribunal  
 p Refluet e caelo tunc sulphuris amnis & ignis

Sic

- C Sic cunctorum hominum fient manifesta sepulchra
- T Tunc lignum fidis erit exoptabile cornu
- A Atq; piorum uita hominum nocumentaq; mundi
- V Vndis lustrabunt bisseno in fonte vocatos
- P Rex pastor is erit nobis , & ferrea virga
- O Omnipotens deus est praescriptus uersibus istis
- C Seruator nostro aeternus rex passus amore

Haec autem sunt carmina quae Sibylla Eritrea de Christo cecinit. Multi uero fuerunt qui, quamquam omnia de Sibylla Eritrea tradita uera esse credant, hos tamen uersus propter rei clarissimum argumentum confictos esse suspicati sunt ab aliquo religionis Christianae uiro, poeticesque non ignaro. Quod nulla ratione fieri potuisse, uel ex hoc maxime liquet, quod diu ante Christi natalem edita fuisse comperiuntur. Constat enim M. Tullium uersus hos legis, commentariiisque suis inseruisse. Quos Eusebius Caesariensis se uidisse profitetur. Hanc opinionem confirmat: Sibyllas multa per uersuum initia significare consueuisse, ut secundo de diuinatione docet Cicero, qui de Sibyllis loquens sic scribit: Non esse autem illud carmen furentis, quum poema declarat. Est enim magis artis & diligentiae quam concitationis motus, tu uero ea quae *ἀποδικεῖται* dicitur, quum deinceps ex primis uersus litteris aliquid connectitur, ut in quibusdam Ennianis, quae Ennius fecit, id certe magis est attenti animi, quum furentis, atq; in Sibyllinis ex primo uersu cuiusq; sententiae primis litteris illius sententiae carmen omne praetextur, hoc scriptoris est non furentis, adhibentis diligentiam non insani. Ita Cicero: Hoc etiam subsignificare uidetur Virgilius III. Aecloga quum scribit

Vltima Cumaei uenit iam carminis aetas

Scilicet tempus, quo uaticinium tendebat certis erat litteris insertum. Atque hactenus de Sibyllis

Porro autem quaenam fuerit Sibylla cuius carminibus fata Romana continebantur non admodum constat, quidam Cumanam putant ut Virgilius Aecloga IIII

Vltima Cumaei venit iam carminis aetas

Et libro VI. Aeneidos, vbi eam Deiphoben Glauci filiam uocat, nisi de Cumaea ipse loquatur. Glaucus autem uates fuit diuinandi scientissimus, qui eam artem Apollinem ipsum docuit. Eam Herophilem appellat Suidas, ab aliis Amalthea uocitata. Varro autem, quem hanc rem etiam ipsum diligenter quæsiisse ferunt, non uidetur uerisimile uatem illam quam Aeneas consuluerit, potuisse pertingere Romana regna, quum sexcentis annis ante Tarquinium uixerit, ideo Erithream potius fuisse putat, quae etiam de Romanis cecinerit, hoc nimirum arguento ductus, quod post incensum Capitolinum templum, in quo oracula Sibyllina seruabantur, apud Erithras ipsamet carmina inuenta sunt. Hanc autem esse non potuisse Erithream Sibyllam, eodem Varro's argumento duetus opinor, quippe quae Apollodoro Erithreo auctore, tempore belli Troiani uixerit. Et quinquam Eusebius eam primis annis Romuli referat, ad Tarquiniorum tamen tempora eam peruenire non potuisse facile credi potest, quorum Priscus centesimo anno post Romuli obitum, regnare Romae cepit. Nec Varro's argumentum obstat, libros Sibyllinos incendio consumptos ex Erithris Romam iterum relatos fuisse, quum satis constet, eos ab antiquis diuersos fuisse. Ego uero eiusdem Varro's auctoritate fretus duas Sibyllas eodem fere cognomine fuisse existimo, Cumaeam & Cumanam. Cumaea ea est, quae Cumis uaticinata est tempore bell'i Iliaci, ex Cimerio Campaniae oppido orta, ad quam Aeneam diuertisse Maro refert'. Cuius & Dionysius libro IIII. meminit. Cumana autem est, quae Cumis oriunda longo tempore post uixit, librosque Tarquinio obtulit, de qua Solinus plura scribit. Cumis enim plures mulieres longo & perpetuo tempore, uati cinatas fuisse reor, quae omnes Sibyllae uocitatae sunt, quae illuc proficisciabantur, uel ut periatores diuinandi sierent, Apollinis oraculis, quem illic maximum templum cum specu habuisse constat: uel ut eius sacris praecessent, quae non nisi a mulieribus perfici mos erat, quae omnes postea ab urbe proxima, siue Cumaeae, siue Cumanae uocatae sunt. Aristoteles namque, & Marcus Eritream ipsam etiam Cumis diuinasse scribunt, eamque aliquando Eritream, aliquando Cumanam uocant. Aristoteles quidem in libro de naturae miraculis (si modo eius est, nam hoc in dubium uertitur) speluncam narrat esse Cumis vrbe Italica, vbi Sibyllae domicilium fuisse tradit, quam multi Eritream esse putant, & incolae Cumaeam nominant, haud dubie patriae fauore

uore, aut certe de alia sentientes. Marcianus uero Capella Erithream Cumis uaticinatam esse scribit, Italicis credo, ut auctor est Aristoteles, quippe sunt etiam Cumae Ionicae, ubi & Erithrae. Haec forte esse potuit ea quam Virgilius libro VI. Cumaeam uocat ab Aenea consultam. Cumana enim quae libros Tarquinio uendidit, non eam esse existimo de qua Virgilius scribit, quod neque etiam ipse affirmat. Idem Marcianus Sibyllam Phrygiam aliquando etiam Cumacam appellat. Ita igitur cum uariae, incertae, & inconstantes sunt ueterum scriptorum de Sibyllis tentiae fit, ut neque ego quicquam affirmare ausim. Quamquam autem incertum sit, quoniam nomine appellata fuerit, quae libros Tarquinio attulerit, eam tam omnium scriptorum, concordi testimonio, satis inter omnes conuenit Sibyllam unam fuisse, cuius libros Tarquinio oblatis Romani sunima religione, ac obseruantia custodiebant. Qui qua ratione Romanis allati fuerint, nunc ex Varrone, Dionysio, Solino, Plinio, Laetantio, Seruio, & Suida exponam.

Anus hospita atque incognita, quae postea constanti omnium opinione Sibylla Cumana credita fuit, nomine Amalthea, Tarquinium Superbum regem Romanum adiit nouem libros ferēs, quos Sibyllinis oraculis plenos esse affirmabat, eosq; uelle se uenundare dixit. Tarquinius premium percunctatus, mulier trecentos Philippeos poposcit, rex autem quasi anus aetate descerperet, inrisit, aspernatusq; libros est ob precij magnitudinem. Tum illa foculo coram eo accēso, tres libros ex nouem combussit, siue ut Dionysius tradit, a regis conspectu discedens, eos igni tradidit, reuersaq; nunquid reliquos sex libros eodem precio, emere uellet regem interrogauit. Tarquinius autem multo magis inrisit aniculae demētiam, eainq; delirari respondit, quod idem peteret de paucioribus preciis, quod nec de pluribus accipere potuisset: tum mulier statim coram rege, uel ut ait Dionysius discedens, tres alias combussit. Reuersaq; illum denuo placide interrogauit, an tres reliquos eodem illo precio emere uellet, rex mulieris constantia commotus, eam mulieris confidentiam non omnino aspernendam esse existimauit, quare auguribus accersitis cis rem per ordinē enarrauit, atq; quid agendū esset poposcit. Illi autem ex quibusdā signis intelligentes, rem illam necessariā, a dijfq; in vrbis salutem missam, regi reiectione illa librorum magnā iacturam factā esse demonstrantes, quod non omnes emisset, eum reliquos emere hortati sunt, dato precio quod deposcerat anus. Quare rex libros tres reliquos Sibyllinorum oraculorū plenos mercatus est nihil minore precio, quam quod erat petitum pro omnibus. Mulier igitur dans ei libros diligenter seruandos esse praemonuit, quae quum a Tarquinio discessisset, postea nusquam amplius uisa est quapropter, iam tum credi coeptum, eam Sibyllam fuisse Cumanam, cui quemadmodum poeta ait: Magnam mentem animumque Delius inspirasset deus: Sunt quidam autores; qui libros non Superbo, sed Prisco Tarquinio oblatos scribunt, inter quos est Varro apud Laetantium libro I. & ex recentioribus Suidas. Solinus uero quamquam libros Superbo uenditos fuisse affirmet, Sibyllam tamen quae eos vendidit, olympiade quinquagesima uixisse scribit. Quod si ita est, Prisco regi libros uendidit non Superbo. Nam in quinquagesimam olympiadē mors Prisci Tarquinii incidit. Quare Varroni potius credendum existimo quā aliis. Plinius uero lib. XIII. cap. XIII. tres libros non nouem fuisse scribit, quos oraculorū plenos Sibylla Tarquinio attulit, ac combustis duobus tertium superfuisse. Suidas nouem libros tradit, eosque oraculorum peculiarium uocat, hoc est ad certum aliquem populum spectantiū, sed combustos tantum duos, reliquos omnes superfuisse. Ceterum hi libri, quos siue Priscus, siue Superbus Tarquinius emit, ab ipso in Capitolio, Iouisq; optimi maximi templi sacrario, in arca lapidea sub terra postea reconditi, Sibyllini deinceps appellati sunt, religiosissimeque ibidem seruati. Horum librorum custodia II. viris primum, deinde X. viris, postremo XV. uiris faciundis commissa fuit, eosque ab aliis praeter eos aspici, aut legi nefas erat, ut Laetantius tradit, atque ut paucis uerbis multa comprehendam, nihil Romani, neque sanctum, neq; sacrum, ita custodiebant quemadmodum haec Sibyllina diuinitus (ut existimabant) missa oracula; & quum dii immortales de rebus aduersis consulendi essent, remediumque aliquod malis querendum, utri de aliqua intestina, ciuilique seditione, uel bello externo, aut pestilentia vrbē uexāte tollenda, de funestorum, exitiabiliumque casuum remedii, ut Cannensis cladis, pacis Caudinae, de prodigiis expiandis, ceterisque rebus aduersis, hos libros quasi ad oraculum praetancumque remedium XV. viri faciundis adire solebant, in his omnium malorum remedia inueniri posse existimabant. Ceterum is Tarquinius qui eos emit, ut eos in manibus habuit statim duos uiros creauit ex illustrioribus patriciis cui horum librorum custodiā tradidit, appellatique sunt II. viri faciundis. Ex quibus alterum nomine M. Atilium, quod is libros se creta ciuilium sacrorum continentis custodiae suae commislos, corruptus Petronio Sabino describendos dedisset, culeo insutum in mare abiici iussit, Horum II. virorum munus erat, hos sacros libros custodire, quoties opus esset adire, legere, interpretari, & quae iubebantur, ut perfice rentur curare. Apollinis sacrarumque caerimoniarum antistes esse, & quoties fames, pestilenciae

tiae, bella ciuilia et externa urbem uexare contigisset, uel prodigia aliqua nuntiata essent apparuisse, eorum omnium malorum ex oraculis Sibyllinis remedia inuenire, lectisterniis ad deorum puluinaria factis, deum iram placare, prospera omnia precari, aduerla ut tollerentur rogarre, et postremo deos omnes iratos sacrificijs factis mitigare. Vide quaeso lector, quantum sibi malus dæmō in orbe terrarū uendicauerat potestatem. Ex qua, Iesu Christi gratia depulsus, beati nos & felices sumus, quibus tot tenebris & errorum inuolucris liberatis ueritatem agnoscere concessum est. Porro de his sacerdotibus ita libro IIII. scribit Dionysius: Post electionem autem regum, assumentis ciuitas oraculorum patrocinium, uiros etiam illustrissimos custodes eis designauit, qui per omnem uitam eam curam haberent, militia & alijs urbanis muneribus immunes, publiceque apud eos libros depositi, sine quibus non permisit oracula aspici Sibyllina. Hi seruos de publico sumptu habebant. Romani autem nihil ita custodiunt neque sanctum neque sacrum, quemadmodum Sibyllina diuinitus oracula missa. Ea autem adeunt ex S. C. seditione ciuitatem tenete, aut calamitate aliqua magna bello incidente, aut prodigijs aliquibus apparentibus qualia saepe euenire solent. De II. viris sacrorum frequens apud Liuium mentio est ante primum consulem de plebe creatum. Libro IIII. Libri Sibyllini per duum uiros sacrorum additi. Lib. IIII. Obscuratio itaque a populo II. viris praeuentibus est facta. Et paulo post: Multa II. vii ex libris placandae deum irae auertenda equaque a populo pestis cauſa fecere. Et libro V. libri Sibyllini, ex S. C. additi sunt. II. vii facundiis lectisternio tum primum in urbe facto, &c. Ceterū quum multo tempore duo, ad hoc ipsum sacerdotium uiri tantum creari soliti essent, ac plebs de suo quoque corpore consules creari ambiret, neque ad hoc ipsum satis virium esset, obtinuit tandem, ut qui II. vii in eam diem usque creati fuissent, decem uiri deinceps faciundis eo iure quo II. vii fieri solebant, crearentur. Quare anno urbis CCCXXCVIII. lege lata a tribus plebis C. Licinio & L. Sextio, ex II. viris X. uiri facti sunt, simulque lege cautum, ut pars ex plebe, pars ex patribus fieret, quam legem decimo sui tribunatus anno pertulerunt; quinque igitur ex patribus totidemque ex plebe electi, qui X. vii faciundis deinceps uocati sunt. Post quod tempus usque ad L. Sullae Felicis dictaturam, fuerunt X. uiti faciundis, de quibus toties mentio est apud Liuium. A Sulla uero dictatore XV. uiri S. F. facti sunt. Quod hac ratione ostendi potest. Ciceronis aetate erant XV. uiri faciundis, qui adhuc erant decem uiri ex anno quo Capitoliū arsit, paulo ante Sullae dictatoris tempus L. Scipione & L. Norbano cos. anno urbis DCLXXI. Atque post eum annū in sacerdotū collegiis nusquam legitur quicquā esse mutatum, nisi in dictatura Sullae, relinquitur ergo ut haec XV. uirorum institutio a Sulla facta esse credatur, praesertim quū aliis sacerdotū collegiis legatur adiecissem aliquot sacerdotes, ut auguribus & pontificibus. Fuisse uero Ciceronis aetate XV. viros ex IIII. Coelii ad Ciceronem epistola intelligi potest, in qua ipse ad Ciceronem scribit, P. Dolabellam populi suffragiis factum XV. uirum. Tranquillus quoque in Caesare. Proximo autem senatu percibebuit fama, L. Cottam XV. uirū tententiam dicturum, ut quoniam libris fatalibus contineretur, Parthos nisi a rege non posse uinci, Caesar rex appellaretur. Quod uero decemuiri sacrorum adhuc essent eo anno, quo Capitolium crematum est, ex uerbis Dionysii libro IIII. intelligitur. Qui ait: libros Sibyllinos qui adhuc a X. viris serabantur incendio Capitolii fuisse crematos, quod anno ante Sullae dictaturā conflagrauit. De XV. uiris ita scribit libro XI. Tacitus: Ludis saecularibus Domitiani intentus affui, sacerdotio XV. uirali praeditus, ac tum praetor, quod non iactantia refero, sed quia collegio XV. uirum antiquitus ea cura, & magistratus potissimum exequabantur officia caerimoniarum. Et Seruius interpretans illud Virgilii

. . . Lectosque sacrabo

Alma viros.

ait sic: Primo fuerunt duo librorum Sibyl

linorum custodes, inde X. inde XV. usque ad tempora Syllana, post crevit numerus usque ad LX. Sed remansit XV. uirum uocabulum. Post Sullam idem sacerdotium mansit usque ad Theodosii tempora, quibus cum ceteris ueteris superstitionis sacris abrogatum est. Porro autem ex eo epistolae Coelii loco, quem citavi colligi potest, populi suffragiis sacerdotes huius collegii aliquando creatos, idque per legem Domitiam. Nam quod a collegiis ante eam legem cooptarentur, paſsim in Liuui historia legitur ubi de suffectis in demortuorum locum sacerdotibus loquitur. Horum munus erat, libros Sibyllinos custodire, quum ex S. C. adeundi essent adire, & quae legissent senatui renuntiare, & ea S. C. decreta procurare, ludos sacculares celebrare, & postremo omnia peragere quae Sibyllinorum carminum iussu facienda erat. De his frequens mentio est in uetus monumentis sic

## DE SIBYLLIS

HERCVLI . INVICTO  
M . CASSIVS  
HORTENSIVS  
PAVLLINVS . PR . VRB  
XV . VIR . SACRIS  
FACIVNDIS  
DONVM . DEDIT

AVRELIO . VICTORI  
XV . VIR . SACR . FAC  
LEG . AVGG . PRO . PR  
PROV . PAN . INF  
PATRON . R . P . H . V  
D . D

item

IVNIO . POSTVMIANO . V . C . P . P  
DEI . SOLIS . INVICTI . MITHRAE  
XV . VIRO . S . F . PONTIFICI  
DEI . SOLIS . ORDO . SACER  
DOTVM . MAGISTRO . SVO  
CVRANTE . ET . DEDICANTE  
FLAVIO . HERCVLEO . VIRO

RELIGIOSISSIMO

item

## PHOSPHORII

LVCIO . AVR . AVIANIO . SYMMACHO . V . C  
PRAEFECTO . VRBI . CONSULI . PRO . PRAFECTIS  
PRAETORIO . IN . VRBE . ROMA . FINITIMIS . QVE  
PROVINCIIS . PRAEFECTO . ANNONAE . VR  
BIS . ROMAE . PONTIFICI . MAIORI . QVINDE  
CEMVIRO . S . F . MVLTIS . LEGATIONIBVS  
PRO . AMPLISSIMI . ORDINIS . DESIDERIIS  
APVD . DIVOS . PRINCIPES . FVNCTO . QVI  
PRIMVS . IN . SENATV . SENTENTIAM . ROGA  
RI . SOLITVS . AVCTORITATE . PRVDENTIA . ATQVE  
ELOQVENTIA . PRO . DIGNITATE . TANTI . ORDI  
NIS . MAGNITUDINEM . LOCI . E IVS . IMPLEVE  
RIT . AVRO . IN LVSTREM . STATVAM . QVAM  
A . DOMINIS . AVGVTISQ . NOSTRIS . SENATVS  
AMPLISSIMVS . DECRETIS . FREQUENTIBVS . IN  
PETRABIT . IDEM . TRIVMPHATORES . PRINCIPES  
NOSTRI . CONSTITVI . ADPOSITA . ORATIONE . IVS  
SERVNT . QVAE . MERITORVM . EIVS . ORDINEM  
AC . SERIEM . CONTINERET . QVORVM . PERENNE  
IVDICIVM . TANTO . MVNERI . HOC . QVOQVE . AD  
DIDIT . VT . ALTERAM . STATVAM . PARI . SPLEN  
DORE . ETIAM . APVD . CONSTANTINOPOLIM  
CONLOCARET

in sinistro basis latere

DEDICATA . III . KAL . MAIAS

D . N . GRATIANO . IIII . ET . MEROBAVDE . CoS

Porro autem ut ad libros Sibyllinos redeamus Perdurarunthi libri usque ad belli Marsici , siue fo  
cialis tempora . Quibus Olympiade CLXXIII . C. Norbano , & P. Scipione cos. incenso Capitolio  
siue ex insidijs (ut quidā existimat) siue casu simul cum alijs sacris Sibyllina etiam carmina incen  
dio consumpta sunt . Restituto uero a L. Cornelio Sulla Felice dictatore Capitolio , & a Q. Ca  
tulo templo Iouis Capitolini dedicato , ut Fenestella diligentissimus scriptor , in libro quem de  
XV. uris edidit , refert , C. Scribonius Curio & Cn. Octavius cos. ad senatum rettulerunt ut le  
gati Erithras , & ad cetera Italiae , Greciae , & Asiae oppida mitteretur , qui carmina Sibyllarum ,  
& presertim Erithreae conquisita Romam deportaretur . Itaque missos esse scribit P. Gabinium . M.  
Otacilium Crassum , & L. Valerium Flaccum . Hi ex omnibus ciuitatibus quum Italicis , tum  
Graecis , & precipue ex Erithris , circa mille uersus a priuatis descriptos collegerunt , Romanq;  
cū cuiusq; Sibyllae nomine deportarunt . Haec eadem Varro refert . Quibus carminibus ab homi  
nibus rudibus transcriptis , multa superflua inserta inuenta sunt , in alijs uero mutila quaedam ,

aut

aut deprauata, quare ut ipsorum carminum syncerior lectio esset, datum est negocium XV. Viris S.F. quorum iudicio ac censura hi uersus corrigerentur, eaque mendis omnibus, sententijsque superfluis ademptis, compонerent; quod ab ijs accuratissime factum est. Hi autem posteriores libri non unius Sibyllae carmina putanda sunt, ut priores, sed plurim, quamquam unius semper Cumanae, uel Cumaeae nomine appellati sunt. Quod etiam Dionysius libro IIII. Laetantius libro I. & alij plerique docent. Tacitus quoque idem significat quum ait: Quum eo tempore multa uana carmina nomine Sibyllarum circumferrentur, Tiberius iussit conquisita Samo, Erithris, Ilio, Africa, & per Italicas colonias carmina intra certum diem ad praefectum vrbis L. Pisonem adferri, & iudicium censuramque XV. Virorum adhiberi, ne haberit priuatim liceret, quod iam a maioribus erat cautum. Libros autem Sibyllinos usque ad Honorij & Theodosij iunioris imperatorum tempora, Romae perdurasse constat. Quibus Fl. Stilico imperatoris Honorij ficer, quum ab eo defectionem moliretur, filioque suo Eucherio imperium comparare studeret, concitatus in generum imperatorem seditionem, uersus omnes Sibyllinos cremauit, cuius rei meminit ita Rutilius Claudius Numatianus itinerario secundo

Nec tantum Geticis crassatus proditor armis

Ante Sibyllinae fata cremauit opis

**V**el ut alibi legitur

Netantum patrijs saeuiret proditor armis

Sancta Sibyllinae fata cremauit opis

Quare quum Sibyllinorum oraculorum interitu, XV. uirorum quoque sacerdotium sublatum est. Atque haec sunt quae tam de Sibyllis quam de oraculis Sibyllinis et XV. Viris sacris faciundis, apud ueteres auctores extare didicerim. Sed antequam operi extremam manum imponam, non alienum erit, hoc loco referre que Iustinus de antro Sibyllae Cumanae, uel Cumaeae tradit quod Puteolis se uidisse scribit. Ipse enim in libro ad gentes admonitorio narrat: quum Cumas Campaniae animi gratia aliquando petiisset, non longe a Baijs Sibyllae domicilium se uidisse, id erat maxima Basilica tota in lapide incisa, opus quidem eximum, & omni admiratione dignum. Vbi Sibyllam olim oracula edere solitam fuisse incolae referebant, idque se a maioribus suis accepisse testificabantur. Ostendebanturque (ut ille ait) adhuc, uasa tria in templi medio in eodem lapide incisa, quibus aqua repletis lauabatur, acceptaque stola in abditissimam eius templi partem, in eodem lapide fabrefactam sese includens, thronoque, siue alta sede in eodem lapide excavata confidens, oracula reddebat. Templum hoc usque ad nostram aetatem perdurauit. Anno enim salutis  $\infty$  DXXXIX. terraemotu ingenti Campania terra quassata, Puteolis minutissimo puluere, cinereque e mari surgente totum coopertum est, collisque satis editus enatus est, ubi olim celeberrimum Sibyllae fanum fuerat. Mihi autem Puteolos Baiasque anno domini  $\infty$  DXLIIIX. profecto, accolae quos regionis peritos mercede conduxeram, & templi locum, & formam, & ea omnia fuisse narrabant, quae Iustinus mille trecentis annis ante se uidisse scriptum celiquit, antequam arcanum id, templumq; ingens terraemotus ui terra obrutum esset

F I N I S







Special Folio  
91-B  
34671

